



類函 五十

百五  
四設  
五官  
百六  
四設  
六官



1加3  
427  
50



門 4 3  
第  
卷



新金圖書

此係明治八年八月廿八日  
所購諸田一人以贈  
所購諸田一人以贈

早稻田香圖書

淵鑑類函卷一百五

設官部四十五

殿前司 侍衛馬軍司 侍衛步軍司 左右神策軍

執金吾

錦衣衛

武庫令

羽林監

龍武軍

羽林中郎將

謁者

僕射

殿前司

**增**文獻通考曰都指揮使副都指揮使都虞候副都虞候掌殿前諸班直及步騎諸指揮之名籍及訓練之政宋初有都點檢副都點檢之名在都指揮使之上後不復置入則侍衛殿陛出則扈從乘輿大禮則提點編排整肅禁衛鹵簿儀仗掌宿衛之事都指揮使以節度使為之而副都指揮使都虞候以刺史以上充資序淺則

主管本司公事馬步軍亦如之備則通治闕則互攝凡軍事皆行以法而治其獄訟若情不中法則稟奏聽旨騎軍有殿前指揮使內殿直散員散指揮散都頭散祇候金槍班東西班散直鈞容直及捧日以下諸軍指揮步軍有御龍直骨朵子直弓箭弩直及天武以下諸軍指揮諸班有都虞候都虞候指揮使都知副都知押班御龍諸直有四直都虞候本直各有都虞候指揮使副指揮使都頭副都頭十將將虞候騎軍步軍有捧日天武左右四廂都指揮使捧日天武左右廂各有都指揮使每軍有都指揮使都虞候每指揮有指揮使副指揮

使每都有軍使副兵馬使十將將虞候承局押官各以其職隸於殿前司政和四年詔殿前都指揮使在節度使之上副都指揮使在正任承宣使之上殿前都虞候在正任防禦使之上中興後都指揮使副都指揮使間虛不除則以主管殿前司一員任其事其屬有幹辦公事主管禁衛二員準備差遣準備差使點檢醫藥飯食各一員書寫機宜文字一員本司掌諸班直禁旅扈衛之事捧日天武四廂隸焉訓齊其衆振飭其藝通輪內宿并宿衛親兵並聽節制其下有統制統領將佐等分任其事凡諸軍班直功賞轉補行門拍試換官閱日排

連以詔於上諸殿侍差使年滿出職祇應參班核其名籍以時教閱則謹鞍馬軍器衣甲之出入軍兵有獄訟則以法鞫治初渡江草創三衙之制未備稍稍招集墾置三師資淺者各有主管某司公事之稱又別置御營司擢王淵為都統制其後外州駐劄又有御前諸軍都統制之名又并入神武軍以舊統制統領改充殿前司統制統領官 沈氏筆談曰三衙內中見宰執皆橫杖於文德殿後主廊階下唱喏宰相出立階揖之外遇從官於通衢皆避馬此禮久廢惟內中橫杖之禮至今不廢 歐陽氏歸田錄曰寶元康定予自貶所還京見王

君貺初作舍人在坐見殿前馬步軍聯騎立門外呈牒稱不敢求見舍人遣人謝之而去慶曆三年余作舍人三衙軍相逢而斂馬駐立前訶者傳聲太尉立馬急遣人謝之比舍人馬過然後敢行後余官於外十年而還遂入翰林與學士相逢分道而過更無斂避之禮蓋兩制漸輕三衙漸重 續文獻通考曰遼南面有點檢司有殿前都點檢司有點檢侍衛親軍馬步司官曰某都點檢曰某副點檢曰同知某副點檢外別有指揮使司侍衛親軍馬步軍都指揮使司南京亦置司官同 侍衛控鶴兵馬都指揮使司侍衛漢軍兵馬都指揮使司

四軍兵馬都指揮使司歸聖軍兵馬都指揮使司各設  
官曰某軍都指揮使某軍副指揮使某軍都監又五京  
各設都虞候司官曰都虞候亦殿前司職也 金殿前  
都點檢司掌親軍總領左右衛將軍官曰殿前都點檢  
左副都點檢右副都點檢都點檢判官殿前左衛將軍  
右衛將軍左衛副將軍右衛副將軍掌宮禁及行從警  
嚴仍總領左右護衛同 元鎮殿將軍募選身軀長大  
異常者充之名曰大漢 明掌領侍衛侯伯駙馬等官  
六員二員管錦衣衛大漢將軍及勳衛散騎舍人府軍  
前衛帶刀官四員管三千營紅盔將軍營叉刀官軍

侍衛馬軍司

**增**文獻通考曰馬軍都指揮使一人以節度使充副都  
指揮使都虞候皆無定員副都指揮使以觀察使以上  
充都虞候以防禦使以上充掌騎兵之名籍及訓練之  
政令所領馬軍自龍衛而下有左右四廂都指揮使龍  
衛左右廂各有都指揮使每軍有都指揮使都虞候每  
指揮有指揮使副指揮使每都有軍使副兵馬使十將  
將虞候承局押官各以其職隸於馬軍司中興後常出  
戍建康所設官屬如殿前司 續文獻通考曰遼南面  
有侍衛親軍馬步軍都指揮使司官曰馬步軍都指揮

使曰馬步軍副指揮使曰馬步軍都監而其分屬有侍衛親軍馬軍都指揮使司官曰馬軍都指揮使曰馬軍副指揮使曰馬軍都監南京設官同黃龍府設官亦同金制於侍衛親軍內選三十以下千六百人騎兵曰龍翔以備宿衛 元無考

侍衛步軍司

文獻通考曰掌步軍之政令凡出入扈衛守宿以奉 上開收閱習轉補以勵下所設官置屬及所領步軍自神衛而下左右四廂如馬軍司 續文獻通考曰遼南面有侍衛親軍步軍都指揮使司設官與馬軍司同南

京亦置 金海陵時與騎兵同選備宿衛號曰虎步軍時置步軍都副指揮使隸宣徽院 元無考 明錦衣衛大漢將軍一千五百七員名府軍前衛帶刀官四十五員三千營紅盔將軍一千五百員名把總指揮十六員明甲將軍五百二員名把總指揮四員大漢將軍八員五軍營叉刀圍子手三千名把總指揮八員

左右神策軍一

唐兵志曰上元中以北衙軍使衛伯玉為神策軍節度使鎮陝州中使魚朝恩為觀軍容使監其軍初哥舒翰破吐蕃臨洮西之磨環川即其地置神策軍以成如





威最盛總曰左右十軍矣貞元十四年詔左右神策置  
統軍以崇禁衛元和二年省神武軍明年又廢左右神  
威軍合為一曰天威軍八年廢天威軍以其兵騎分隸  
左右神策軍 續文獻通考曰遼南面有左右神策軍  
設官與龍虎軍同外又有左右神武軍有左右神威軍  
皆因古制而增者 金元無

左右神策軍二

**增**唐哥舒翰傳曰天寶十二載破吐蕃洪濟大莫門等  
城收黃河九曲以其地置洮陽郡築神策宛秀二軍  
蔣乂傳曰貞元十八年詔問神策軍建置本末中書討

求不獲集賢學士悉無以對乃訪乂條據甚詳宰相曰  
集賢有人哉 柏良器傳曰為左神策大將軍知軍事  
募材勇以代市販者中尉竇文場惡之換右領軍衛自  
是軍政皆中官專之 李鄴傳曰為鳳翔隴右節度使  
是鎮常兼神策行營前此用武將始受詔詣軍脩謁鄴  
不可詔為去神策行營號 高霞寓傳曰元和中討王  
承宗有功詔藏所獲鎧仗於神策庫以旌之 宦者傳  
曰德宗以左右神策天威等軍委宦者主之置護軍中  
尉中護軍分提禁兵威柄下遷政在宦人興元初詔竇  
文場監神策左廂兵馬以王希遷監右而馬有麟為左

神策軍大將軍軍額由此始帝自山南還兩軍復全忌宿將難制詔文場霍仙鳴分總之廢天威軍入左右神策久之詔文場為左神策護軍中尉仙鳴為右神策行營為左神策中護軍張尚進為右高崇文以左神策行營節度使統左右神策麟游奉天請屯兵討劉闢 順宗實錄曰正元二十一年以范希朝兼右神策京西諸城鎮行營兵馬節度使甲戌以韓泰充左右神策京西都柵行營兵馬節度行軍司馬王叔文謀奪宦者兵希朝至奉天諸將無至者 武宗紀曰會昌二年幸左神策軍閱武

左右神策軍三

**增**改作驍衛

易姓魚氏

冊府元龜曰唐李建徽為左神武大將軍貞元三年以其

妻柳氏與部國公主交往也改作驍衛大將軍又曰唐尚可孤為神策大將軍魚朝恩統禁軍愛其勇力甚委遇之俾為養子奏易姓魚氏名智德以禁兵三千鎮於扶風縣後徙武功凡十餘年士伍整肅部縣安之

擊李歸仁

破仇敬忠

乾元二年唐衛伯玉為神策將軍又曰唐尚可孤為神策軍

歸仁率鐵騎五千將犯陝州伯玉以數百騎擊破之於疆子坂歸仁與其黨東走又曰唐尚可孤為神策軍大將建中二年為荆襄應援淮西使統眾赴山南累有戰功及涇原兵叛詔徵可孤軍至藍田賊眾稍盛遂營於七盤山城柵而居之賊將仇敬忠 廷玉法臨淮等來寇可孤頻擊破之因收藍田縣 廷玉法臨淮

李晟斬德信

又云唐郝廷玉代宗時為神策將軍時吐

魚朝恩聞廷玉善戰欲觀其教閱廷玉乃於營內列部位鳴鼓角而出分而為陣箕張翼舒作雜作合朝恩曰

吾在兵間十餘年始見郝將軍訓練耳廷玉謝曰此非未較所長是臨淮王之遺法也又曰唐李晟為神策將德宗幸奉天晟東討自莫州繇白石山雲蔚之路來赴軍於滑橋時汝鄭應援使劉德信以子孫軍敗於襄城還於滑上晟將收復宮闕數其自關東緣路剽劫之罪斬之而兼其眾

左右神策軍四

**神賦**唐李庾西都賦曰親兵百萬制以神策紫身豹首金腰火額獵霞張旆剝犀綴革奮目如虎眦振顛而蝟磔柔六鈞貫七札對天仗以司戈分玉墀而執戟別有陳旌賜鉞闡外四七依榆關而作鎮拒柳營而開壁

執金吾一

**杜氏通典**曰秦有中尉掌徼循京師如淳曰所謂游徼循禁備盜賊

也顏師古曰徼謂遮繞漢武帝太初元年更名執金吾緹騎二百人緹騎無秩比史食俸持戟五百二十人輿服導從并生滿路羣僚之中斯最壯矣舊掌京師盜賊考案疑事鄧都甯成王溫舒減宣等皆截理橫噬虎而冠者也一切理辨亦旋誅黜後漢掌宮外戒司非常水火之事月三繞行宮外及主兵器自中興但專徼循不與他政魏武秉政復為中尉晉初罷直至後周置武環率武侯率下大夫各二人隋置左右武侯府大將軍一人將軍三人掌車駕出入先驅後殿晝巡夜察執捕奸非烽候道路水草所宜巡狩師田則掌其營禁煬帝大業三年改為左右武

設官部  
尉監領約卷一百五  
執金吾  
乙

候衛所領軍士名飲飛

漢百官表曰漢有左弋今武帝太和元年更名飲飛掌弋射屬

少府光武省之隋氏采舊名

唐初又為左右武侯府龍朔二年改為

左右金吾衛置大將軍一人所掌與隋同將軍二人副

其事

領官屬並隋置唐因之

**山堂肆考**曰宋朝六軍諸衛有

左右金吾衛上將軍及左右驍衛上將軍屯衛上將軍

監門衛大將軍千牛衛上將軍諸衛將軍並為環衛官

無定員皆命宗室為之 續文獻通考曰遼南面有左

右金吾衛設官與領軍衛同 金無考 元世祖至元

九年初立阿速拔都達魯花赤置屬官二十三年遂名

為阿速之軍至大二年改立左右阿速衛親軍都指揮

使司掌扈從車駕宿衛城禁兼營潮河蘇沽兩川屯田供給軍儲設官與武衛同

執金吾二

**增**六典曰左右金吾衛大將軍之職掌中宮及京城晝

夜巡警之法以執禦非常 唐書曰高祖以徐世勣為

右武侯大將軍詔曰黎州總管同國公世勣本自黎陽

擁徒歸順任以藩兵誠效克彰節義不渝彝險無變宜

加寵命用超恒序 又曰趙道興貞觀初歷遷左武侯

中郎將號為稱職太宗嘗謂之曰卿父為隋武侯將軍

甚有當官之譽卿今克傳弓冶可謂不墜家聲因授右

武侯將軍其父時解宇仍舊不改時人以為榮 會要

曰建中元年七月以鴻臚寺左右威遠營隸金吾賈耽授鴻

臚卿兼左右威遠營使 宋淳化五年判左右金吾街仗魏不以

新募千餘人引對崇政殿太宗親選得五百七十人至

道元年閻承翰等為金吾都監紹興二年詔街仗司以

二百人為額又李顯忠首除左金吾衛上將軍上曰在

內則兼在外則否此正如文臣館閣庶可見人才隆興

二年復環衛官以才略聞者令兼領如節度使則領金

吾左右衛上將軍承宣使領左右衛上將軍之類 遼

金元無考

執金吾三

**原警巡** 嚴衛西京賦曰警夜巡畫 領宿衛 盛車

華嶠後漢書曰執金吾掌從宿衛 東觀漢記曰

騎陰后光武初適新野聞后美心悅之後至長安見執

金吾車騎甚盛歎曰仕宦當 **增從九卿** 副留守

肆考曰後漢光武親征隗囂穎川盜起帝還宮謂執金

從九卿復出以憂國可也 又曰唐太宗初代高麗置

京城留守其後車駕不在京都則置留守以右金吾大

將軍為 **原典執金革** 徵循京師漢官解詁曰執金

副留守 **徵循** 吾秦名中尉掌徵循京師有兩丞候司馬十人

不在九卿之列也 **職主先導** 漢書顏師古注云金吾鳥名辟除

不祥天子出職主先導以禦非常故執此鳥之象因以

官外 **職主先導** 漢書顏師古注云金吾鳥名辟除

不在九卿之列也 **職主先導** 漢書顏師古注云金吾鳥名辟除

不祥天子出職主先導以禦非常故執此鳥之象因以

官外 **職主先導** 漢書顏師古注云金吾鳥名辟除

不在九卿之列也 **職主先導** 漢書顏師古注云金吾鳥名辟除

不祥天子出職主先導以禦非常故執此鳥之象因以

名官 擒奸討猾 執禁典兵 法不避貴 語不及國

裏以擒奸討猾也 漢官 侯先嚴酷至行法不避貴戚列

曰到都遷罪自重而都獨先嚴酷至行法不避貴戚列

陰識為守執全吾對賓客語不及國事慎重如此

驕導盈巷 蘭蕙中林 也方嘉貞為相時嘉祐任左右

金吾衛將軍 昆弟每上朝軒蓋驕導盈巷時號所居

又曰後漢張萬福拜右金吾將軍時陽城等請延英

直臣天下無慮矣吾年八十喜見盛事福大言曰國有

強力嫉惡 傳符警漏 金冊府元龜曰唐田仁會轉右

巡警自京城至衢路越法者無不立發京師貴賤咸憚

之 又曰唐常相除右金吾制曉傳銀榮之符夜警金

吾之 箠死惡少 劾徒妖巫 金吾衛大將軍京師惡

少優戲道中具駟唱訶衛自謂虛言京兆中立率從吏

捕繫立箠死之 又曰唐田仁會為右金吾有巫傳鬼

道惑眾自言能活死人市里 上尊下安 內訓外察

山堂肆考曰唐德宗以山陵近禁屠宰郭子儀隸人犯

禁金吾右將軍裴諝奏之或謂曰若獨不為郭公地乎

其小過以明郭公之不足畏上即位以為附之者眾吾故發

可乎 又曰徐集熊宣力蓋無 領兵咸陽 見

上靈武 寇邊獻甫領禁兵成陽累年兵農悅安 吐蕃

曰唐李嗣業為執金吾安祿山反上在靈武詔嗣業赴

行在謁見上謂曰今日得卿勝數十萬眾事之齊否實

也 諳練邊事 好談時政 冊府元龜曰唐休璟為

設官部 諳練邊事 好談時政 冊府元龜曰唐休璟為

也 諳練邊事 好談時政 冊府元龜曰唐休璟為

也 諳練邊事 好談時政 冊府元龜曰唐休璟為

軍時西突厥烏質勒與諸蕃舉兵相持安西道絕  
 令休與宰相商度事勢俄頃草奏便遣施行後安西  
 諸州表至一如休璟所書則又曰魏元忠等曰休璟諳  
 練邊事至一等不當也又曰滅希讓為金吾衛大  
 將軍好談時政屢以理體上破降陳僑圍屠曇朗  
 于公卿詔令集賢院待制又曰南陳周數為  
 又曰後漢賈復為偏將軍破降之先渡河攻朱鮪於  
 武陽與白虎公陳儵戰連破之周文育據徐奕  
 豫章敷進兵圍曇朗屠之魏徐奕為尚書令太祖以  
 司直周賞督焄尉又曰魏徐奕為尚書令太祖以  
 謂與又曰周賞為執金吾督大姦猾三輔吏民甚畏  
 之加位特進拜同正員又曰後漢賈復遷執金吾  
 干戈脩文德不欲功臣擁眾京師乃剽甲兵敦儒學帝  
 深然之遂以列侯就第加位特進又曰王忠嗣為左  
 威衛郎將大破吐蕃以功最幸郭縱莊圖萬福形  
 詔拜左金吾衛將軍同正員

又曰郭縱為金吾將軍穆宗幸其城南莊賜帛千匹縱  
 以其莊上獻又曰唐張萬福為和州刺史追殺賊將  
 康自勸代宗發詔勞之徵拜右金吾蘭謨嚴毅敬  
 將軍詔圖形凌煙閣數賜酒煖衣服  
 德抗直又曰唐蘭謨為武候大將軍為人嚴毅勤恪監  
 抗直不能容人之非每見杜如晦等短長必面折廷辯  
 遣使西洱築城瓜州又曰松外蠻破之羣蠻震擾爭  
 來款附建方乘勝遣使往西洱河其帥楊盛將遣使者  
 示以威信咸遂請降又曰唐張守珪為左金吾員外  
 將軍吐蕃陷瓜州以守珪為瓜州刺史墨離軍使領餘  
 眾脩築州城板堞立城上置酒作樂以會將曰彼眾我寡  
 須以權道制之乃於城上置酒作樂以會將曰彼眾我寡  
 士賊疑有備不敢攻而退守珪乃擊賊之  
 性矜嚴崔琰有威重矜嚴公正數言政事多見金吾性  
 魏志曰崔琰字季瑋遷中尉琰聲姿高暢眉目疎  
 朗鬚長四尺甚有威重朝士瞻望太祖亦嚴憚焉

**實抗賜金寶** 渾城賜錦綵 冊府元龜曰唐實抗為

薛舉勳居第一又從征王世充東都平賜女樂一部  
金寶萬計又曰唐渾城為左金吾衛大將軍李希烈  
遣間謀詐為城書與希烈交通城奏其狀  
德宗特保證之仍賜城馬并鞍轡錦綵

**執金吾四**

**原從六百騎** 漢官儀曰執金吾 **走六千人** 又曰執金

走六千二 **陰識正諫** 續漢書曰陰識拜執金吾 **朱**

**浮切諫** 漢書曰朱浮為執金吾六年 **吾復何憂** 府

元龜曰後漢賈復為執金吾建武二年更始鄧王尹尊

及諸大將未降者尚多帝召諸將議兵事未有言以檄

叩地曰鄧最險宛為次誰當擊之復率然對 **我便安**

曰臣請擊鄧帝笑曰執金吾擊鄧吾復何憂 **原爪牙**

**之軍** 詩經曰子 **輦轂之衛** **環列之尹** **三月之俸**

**統勾陳之衛** **權蘭錡之兵**

**執金吾五**

**增制唐蘇頌授李延昌左金吾衛大將軍制曰兵戈之**

**容是憑於師律輿馬之飾允屬於徽巡自匪周才孰當**

**茲任具官李延昌倜儻為用堅剛立誠學優典墳言綜**

**韜略自膺刺姦之寵雅叶彈違之務正名不拜何以光**

**於執金教戰成忘何以勵其投石宜踐迹於中尉俾儔**

**能於亞夫** **常袞授吳湊左金吾將軍制曰將我南軍**

**秩高中尉以禁戎之重任委舅氏之同心具官吳湊塗**

說官部 開元通志卷一百五 **執金吾** 十四



山介祉音武雅才言而有宗儉而能廣達禮樂政刑之  
要存忠信孝友之誠清心奉公庶務悉理固可以首當  
褒進大勸官曹俾執金吾用彰責任 白居易授田盛  
金吾將軍句當左街事制曰敕具官田盛夫仕官至執  
金吾古今之榮重也而盛生勲德門有文武略居貴介  
而無佚領誰何而有勞言念徼巡之勤宜仍轉遷之命  
處左攝事以表用能 錢珣授高彥弘右金吾衛將軍  
制曰敕具官高彥弘朕每視朝執金吾率其仗衛陳於  
陛前退則與大京兆禁暴詰姦以清轂下其職如是非  
細任也以爾進在周行常為環尹實於巡警素積勤勞

比授郡符將觀為政屬其節制有所薦聞方資宣力之  
臣難奪舉材之請未能出守遂至罷居暫解印於外臺  
復彈冠於近列勉思有寵善戒不虞

**唐**獨孤及右金吾衛將軍閻公墓誌銘曰公諱用  
之初仕彭州參軍遷右衛郎將知引駕仗金吾將軍李  
質上殿不解佩刀公訶下殿陸請按以法左右皆振悚  
自是環衛加肅先是有司以三衛執扇登殿引蹕公奏  
曰三衛皆趨悍有材力不當升階陸邇御座請以宦者  
代上曰可遂為故事後遷左金吾將軍其詞曰郁郁金  
吾洵美且靜事君之忠賢於愛敬以德資身其祉宜繁

彼美輔佐儀刑閨門禮樂是悅孝慈是敦百歲之後令德九原獨以令範垂諸後昆

錦衣衛一

**增**續文獻通考曰錦衣衛本國初儀鑾司先是設拱衛司領校尉隸都督府尋改拱衛指揮使司又以拱衛司類古衛尉寺改都尉司洪武二年定為親軍都尉府統中左右前後五衛軍士而儀鑾司隸焉十五年罷府及司置錦衣衛親軍指揮使司鎮撫司理衛中刑名如列衛而兼管軍匠謂之南鎮撫司北鎮撫司本添設專理詔獄成化十四年始給印分司得直達洪武二十年焚

衛刑具盡出其繫囚送刑部審理二十六年又申鞠刑之禁永樂時紀綱幸用事任遇漸異衛凡十八所錦衣中左右前後五所領軍士五所各分鑾輿擎蓋扇子旌節旛幢班劔斧鉞戈戟弓矢馴馬十司分領將軍校尉上中上左上右上前上後中後親軍分領將軍力士軍匠馴象所領象奴養象 本衛掌侍衛之事恩功寄祿無常員恒以都指揮都督領之凡大漢將軍力士校尉分番護駕直宿巡察凡大朝駕出入督設鹵簿儀仗凡皇城四門日夜番直巡警凡盜賊奸宄街塗溝渠密緝而時省之凡奉旨鞠獄錄囚勘事與三法司從事凡比



錦衣衛三

**增**詩元薩都刺西宮春日與吳錦衣賦曰九重春色金銀闕冠帶將軍盡羽林上苑春鶯隨柳轉西宮午漏隔花深天開閭闔收金鎖簾卷奎光聽玉音白髮儒臣賣詞賦長門應費萬黃金 明王世貞金吾行贈戴錦衣詩曰金吾緹騎不可當迴若飢鷲搏大荒碧瓦雕甍戰嶒峴貂裘玉勒紛輝光但令奚雛剪頭至赤手臥奪黃金章人間陸海天茫茫豈無英雄遂俛首戴子不肯誇身強邀我坐我堂中牀葡萄暖發茵陳香羽聲春激白帝霜五侯七貴他自足要令名姓登詞場嗚呼戴子一

洗金吾色野人媿殺尚書郎

武庫令一

**唐**六典曰武庫令兩京各一人從六品下周禮有司甲下大夫

司弓矢下大夫司兵中士司戈盾下士並武庫之任也漢屬執金吾後太僕屬官有考工令丞主作兵器弓弩刀鎧之屬成則付執金吾入武庫又云武庫令六百石魏晉因之宋尚書庫部屬官有武庫令掌軍器齊因之梁衛尉寺統武庫署令丞掌甲兵及吉凶儀仗後周依周官隋衛尉寺統武庫署令丞掌甲兵及吉凶儀仗後齊亦一人丞一人從八品下漢魏晉時並有武庫丞北齊亦同隋有武庫丞二人皇朝因之後減

武庫令掌藏天下之兵仗器械辨其名數以備國

用丞為之貳凡軍鼓之制有三一曰銅鼓二曰戰鼓三

曰鏡鼓金之制有四一曰鐔二曰鐳三曰鏡四曰鐸弓

設官部

附錄買函卷一百五

武庫令

之制有四一曰長弓二曰角弓三曰梢弓四曰格弓弩  
 之制有七一曰擘張弩二曰角弓弩三曰木單弩四曰  
 大木單弩五曰竹竿弩六曰大竹竿弩七曰伏遠弩箭  
 之制有四一曰竹箭二曰木箭三曰兵箭四曰弩箭刀  
 之制有四一曰儀刀二曰鄣刀三曰橫刀四曰陌刀槍  
 之制有四一曰漆槍二曰木槍三曰白幹槍四曰撲頭  
 槍甲之制十有三一曰光明甲二曰光要甲三曰細鱗  
 甲四曰山文甲五曰烏鎚甲六曰白布甲七曰阜絹甲  
 八曰布背甲九曰步兵甲十曰皮甲十有一曰木甲十  
 有二曰鎖子甲十有三曰馬甲旗之制三十有二一曰

青龍旗二曰白獸旗三曰朱雀旗四曰元武旗五曰黃  
 龍負圖旗六曰應龍旗七曰龍馬旗八曰玉馬旗九曰  
 鳳皇旗十曰鸞旗十一曰鷓鴣旗十二曰太平旗十三  
 曰麒麟旗十四曰飛麟旗十五曰飛黃旗十六曰駿驥  
 旗十七曰白澤旗十八曰五牛旗十九曰犀牛旗二十  
 曰金牛旗二十一曰兕旗二十二曰三角獸旗二十三  
 曰角端旗二十四曰吉利旗二十五曰驪騮旗二十六  
 曰騶牙旗二十七曰黃鹿旗二十八曰白狼旗二十九  
 曰赤熊旗三十曰辟邪旗三十一曰藍文旂三十二曰  
 刃旗袍之制有五一曰青袍二曰緋袍三曰黃袍四曰

設官部

白袍五曰卓袍器用之制有八一曰大角二曰燾三曰斧鉞四曰鐵蒺藜五曰棒六曰鉤七曰鐵盃八曰水斗凡諸道行軍皆給鼓角三萬人已上給大角十四具大鼓二十面二萬人已上大角八具大鼓十四面萬人已上大角六具大鼓十面萬人已下臨事量給其鎮軍則給二分之一凡大駕親征及大田巡狩以羝羊豸豬雄雞釁鼓若皇太子親征及大將軍出師則用假肫凡有赦則先建金雞兼置鼓於宮城門之右視大理及府縣囚徒至則搥其鼓

武庫令二

原主兵器

續漢書百官志曰武庫令一人

職閑無事

漢書杜欽傳曰為武庫令職閑無事欽所好也

車駕出先驅

漢官儀曰靜官

也車駕出在前先驅靜清所徵以示重慎

車駕出持麾

後漢書百官志曰

吾本注曰本有式道左右中候三人六百石車

銅印墨綬朝服武冠

晉書

志曰武庫令銅印墨綬朝服

羽林監一

原杜氏通典曰漢武太初元年初置建章營騎後更名

羽林騎言其為國羽翼如林之盛顏師古曰如羽宣帝

今中郎將騎都尉監羽林謂之羽林中郎將領郎百人

設官部

羽林監

武庫令 羽林監

二

謂之羽林郎選隴西漢陽安定北地西河上郡凡六郡

良家子便弓馬者為之一名巖郎言其禦侮巖除之下

又置羽林左右監後漢志曰羽林左監一人主羽林右監一人主羽林右騎皆六百

石取從軍死事之子孫養之羽林官教以五兵號曰羽

林孤兒五兵謂弓矢及矛戈光武中興以所征伐士勞苦者為之

其後復簡五營高手別為左右監羽林父死子繼與武

貴同所居之署謂之寺延熙六年滅武貴羽林住寺不任事者半俸二漢並

屬光祿勳後漢竇固鄧彪並為羽林魏羽林左右監與漢同夏侯元為右桓

左晉罷羽林中郎將又省一監置一監而已哀帝省

宋武帝永嘉初復置江右領營兵江左無復營兵羽林

監及虎賁中郎將並銅印墨綬武冠絳朝服其在陛列

則鷓尾冠鷓鳥每鬪死不止絳紗縠單衣江左不復著鷓冠齊

因之後魏有羽林監北齊置監十五人後周有左右羽

林率屬大司馬隋煬帝改左右領軍為左右屯衛所領

兵為羽林唐貞觀十二年於元武門置左右屯營以諸

衛將軍領之其兵名曰飛騎又於飛騎中簡才力驍捷

善射者號為百騎扈從遊幸則衣五色袍乘六閑馬賜

猛獸衣韉龍朔二年改左右屯營為左右羽林軍武后

臨朝永昌元年改百騎為千騎天授中改軍為衛中宗

景龍元年改千騎為萬騎大將軍一人大定元年左右羽林衛各增置

羽林監

所掌與左右衛同將軍各三人以副之領官屬

**增**續文獻通考曰遼南面有左右羽林軍設官與千牛

同 金無考 明二十二衛中有羽林左衛羽林右衛

羽林監二

**增**漢書百官表曰羽林飲飛期門武帝太初元年置名

曰建章營騎後更曰羽林 又曰甘延壽字君況以良

家子善騎射為羽林投石拔距絕於等倫超踰羽林亭

樓由是遷為郎 漢雜事曰竇固以羽林監為中郎將

征西寇還中郎印綬復為羽林監 梁冀別傳曰冀妻

孫壽從弟安以童幼拜黃門侍郎羽林監 魏略曰夏

侯太初弱冠為黃門侍郎嘗進見與皇后弟毛曾並坐

恥之不悅形於色明帝恨之遷羽林監 鄴侯家傳曰

元宗以左右神武軍與龍武羽林備六軍之數 玉海

曰宋咸平五年加楚王元佐左羽林上將軍

羽林監三

**原**次期門 主車騎漢書百官公卿表曰羽林掌送從

孝武太初初置羽林象 冠加鷩毛 位比大夫續漢

官志曰光武左右監皆冠鷩毛謂如雙鷩武於文

文帝禮遇 元宗褒美冊府元龜曰後周陸逞起家羽

勇自達唯逞獨兼文雅帝由此加禮遇焉 又曰唐張

守珪每戰皆捷斬契丹首領可突干首傳於東都明年



守珪獻捷會藉田禮畢酬宴元宗賦詩  
以褒美之拜尚珪為右羽林大將軍  
職總親軍

位掌禁兵又曰唐李德憲宗元和  
親軍不敢從又曰唐李德憲宗元和  
以軍功位右羽林將軍前後掌禁兵

破永寧縣攻迴雒城又曰唐衛伯玉  
難伯玉激憤思立功名自安西歸長  
馬使出鎮陝州行營以功累遷右羽

魏孝武因攻迴雒城功居最擊破党項  
又曰唐李晟為左羽林將軍代宗廣德  
孫志直署晟總遊兵擊破党項羌高玉

羽林軍將軍又曰唐王君奭為河西  
悉謀率眾入寇大斗谷又移攻甘肅  
俘獲甚眾遷羽林大將軍仍判涼州

樓引君奭及妻夏隊伍嚴整詞氣感動  
氏設宴賜以金帛

緒為右羽林大將軍吐蕃犯長安既平  
率六軍將士自商州旋師長安命全緒  
進隊伍整齊京城士庶迎拜歡呼又曰

右羽林將軍張柬之將誅張易之兄弟  
在北門幾年曰三十年東之曰將軍貴  
臣非大帝之恩乎多祚泣曰常感大帝

東之曰將軍既感大帝殊澤今大帝之子  
豎擅權朝夕危逼宗社之重在於將軍

性命詞氣感動遂與東之等誅易之兄弟  
差序禮樂桓範典集皇覽魏略漢名臣

桓範典集皇覽魏略漢名臣奏曹褒上疏  
褒即差序禮樂桓範羽林左騎桓範為

羽林左監以有文學與黃象等典集皇覽  
羽林監四

增詩唐李白送羽林陶將軍詩曰將軍  
上旌旗拂紫煙萬里橫戈探虎穴三

杯拔劍舞龍泉莫

羽林監

羽林監

羽林監

羽林監

羽林監

羽林監

羽林監

羽林監

羽林監

羽林監

道詞人無膽氣臨行相贈繞朝鞭 岑參送羽林長孫  
將軍赴歙州詩曰剖竹向江濱能名計日間隼旂新刺  
史虎劔舊將軍驛舫宿湖月州城浸海雲青門酒樓上  
欲別醉醺醺 曹唐送羽林賈中丞詩曰四十年前百  
戰身曾驅虎隊繞邊塵風悲鼓角榆關暮日落旌旗隴  
草春鐵馬慣牽邀上客金魚多解乞佳人胷中別有安  
邊計誰采髭鬚似白銀 李郢贈羽林將軍詩曰虬額  
顛額羽林郎曾入甘泉侍玉皇鵬沒夜雲知御苑馬隨  
仙仗識天香五湖歸去孤舟月六國平來兩鬢霜惟有  
桓伊江上笛臥吹三弄送殘陽 朱慶餘贈羽林郎詩

曰紫顛年少奉恩初直閣將軍盡不如酒後引兵圍百  
草風前駐旆領邊書宅將公主同時賜官與中郎共日  
除大笑魯儒年四十腰間猶未識金魚 僧無可寄羽  
林盧大夫詩曰將軍直禁闈繡服耀金羈羽衛九天靜  
英豪四塞知望雲回朔雁隔水射宮麋舊國無歸思秋  
堂夢戰時門風荀氏敵劔藝霍家推計日旌旄下蕭蕭  
萬馬隨

**唐制**唐蘇頌授周仁軌左羽林大將軍制曰周禮命卿  
六師成務漢圖拜將三傑推才具官周仁軌執心剛強  
臨事果浚衛青奉法必讓其功師丹守正每聞其直羽

翼任隆爪牙寄重宜光絕席用應題坐 白居易授王  
士則右羽林大將軍制曰羽林所設上法星文軍衛之  
中號為雄重稱茲選任不易其人具官王士則勲戚之  
家義方之子發身學劍餘力知書早踐班榮累參環列  
職近而身彌檢慎任久而心益恭勤況一備禁衛四為  
偏將滯於久次宜有超遷俾領上將仍升右廣統良家  
之奇士訓期門之材官寵任不輕無墮於事 蘇頲授  
楊敬述右羽林將軍制曰瞻彼元闕衛於丹禁命將擇  
人制軍為旅具官楊敬述心堅鐵石器蘊珪璋以俊穎  
之才有溫謙之美附枝中葉則藝極於彫弓咀實含英

則詞殫於綵札自五營高選千廬入侍忠而作訓勤以  
宣威俾寵誰何正其名秩 白居易授王輔元左羽林  
衛將軍知軍事制曰國家設十二衛猶漢之有南北軍  
而左右羽林尤稱親重自諸衛而移領者謂之美遷具  
官王輔元生勲閥之家通吏理之事佐戎臨郡率著能  
名可以掌鈎陳而護建章備警巡而嚴羽衛大將軍事  
假而行之宜勵初終副茲寵任

龍武軍一

原杜氏通典曰唐初有禁兵號為百騎屬羽林永昌元  
年改羽林百騎為千騎景龍元年改千騎為萬騎仍分

為左右營開元二十六年析羽林軍為左右龍武軍以  
左右萬騎營隸焉官屬並唐置至德中分置左右神武  
軍各置官屬如羽林之制 **增**唐官志曰左右龍武軍  
大將軍各一人統軍各一人將軍三人掌同羽林 玉  
海曰宋龍武軍掌郊祀朝會儀仗判司官一人以判金  
吾街仗將軍兼領自左右衛以下官名存而事廢太祖  
太宗朝以處將帥後多以皇族為之 續文獻通考曰  
遼南面有左右龍虎軍設官同羽林軍 金制無考  
元有龍翊侍衛親軍都指揮使司 李鄴侯家傳國初  
太原從義之師願留宿衛為心膂不歸者六萬於渭北

白渠之下七縣絕戶膏腴之地分給義師家為永業於  
縣下置太原田以居其父兄弟於龍首監置營以處  
高祖起第於監內謂之元從禁軍義寧元年初下京城  
為右驍衛將軍主之貞觀初以尉遲敬德權領後二年  
復入領焉累轉右衛大將軍主禁旅凡二十年太宗乃  
以元從軍為龍武分為左右置將數員分掌之初高祖  
好畋獵於元從揀善射者百人分兩番於北門長上從  
獵謂之百騎太宗時亦然衣以五色賞賜優厚高宗時  
漸眾改為千騎於北門別置營壘猶統龍武軍武太后  
朝召入轉多改為萬騎而名羽林軍分左右置將軍員

如龍武羽林盛而龍武衰元宗幸蜀六軍扈從者千人而已肅宗赴靈武不滿百人及收復京師龍武等六軍之士存而復上者共不滿萬 又曰自肅宗以後北軍增置威武長興等軍名類多而廢置不一惟羽林神武龍武神策神威最盛總曰左右十軍又曰北軍亦從衛兵中選用其法創於太宗之飛騎其後羽林龍武神策神威之類皆北軍也

龍武軍二

增冊府元龜曰王漢璋為右龍武將軍顯德五年正月從征淮南收下海州詔以漢璋為海州刺史 又李其

為右龍武大將軍甚西平王晟之子以功勳家累官至庫使 又李觀貞元初為右龍武將軍四鎮北庭行營副元帥李晟表為涇原節度使吐蕃深畏之 又令狐建為左龍武軍使建中四年涇原兵反德宗自出苑便門建方教射於軍中遂以四百人隨駕帝令建為後殿 又李觀為右龍武大將軍建中四年涇帥叛觀時為帝直領衛兵千餘人扈從奉天詔都巡警訓練諸將戍卒三數日間加召五千餘兵列之通衢整肅鞞鼓城內因之增氣帝倚賴之賜封二百戶 又龍武大將軍夏魯奇擒梁將王彥章以獻帝壯之賞絹一千匹

**增制**唐薛珪授齊遵等左龍武將軍制曰具官齊遵等官之設所以毓材勸能也苟不當其選安以假吾所器而滯爾來者今命爾等為左右龍武將軍所以昭勳庸之嗣而用其無瑕者也各旌勤瘁且振淹滯並升環衛之嚴俱委腹心之寄勉務進脩以圖光大

羽林中郎將一

**原主**羽林 掌宿衛 續漢書百官志云羽林中郎將比二千石主羽林郎無員掌宿衛侍

從 還宿殿陛 禦侮嚴除 續漢書百官志云羽林郎從游獵還宿殿陛嚴下室

中故號嚴郎或說為嚴郎取其嚴屬素整也 下詳羽林監一

羽林中郎將二

**增**呂羅漢破賊 冊府元龜曰呂羅漢為羽林中郎上邽

險為道詔羅漢與司馬楚之駕前招慰降者九千餘戶

比至所詔羅漢破賊軍擒其將顧嚴李觀之等以功遷羽

林中郎幢將 長孫陳擊賊 冊府元龜曰長孫陳為羽

加建威將軍 征涼州為都督將領大官遷殿中給事中進號為子

從入犯陳擊退之追斬至其城下以功賜爵五等男又

**原**材官自給鞍馬 漢羽林材官取三輔 騎射絕於

等倫 詳羽林 監二

謁者僕射一

**原**置七十人 秩四百石 漢書百官公卿表曰武帝太

秩六百石 漢官儀曰謁者三十人 因言便宜 訪

秩四百石 掌報章奏事及喪弔祭享 以邊事 漢書曰張釋之字季時中郎將袁盎知其賢請

徒釋之補謁者釋之既朝畢因前言便宜事文

設官部 羽林中郎將

帝稱善拜釋之為謁者僕射從行上登虎圈問上林尉禽獸簿十餘問尉左右視不能對虎圈畜夫從旁代尉曰對響應無窮文帝詔釋之拜畜夫為上林令釋之前曰夫終響應無窮東陽侯張相如稱畜夫為長者此兩入言事曾不能出口豈效此畜夫喋喋利口捷給哉且秦以任刀筆之吏天下崩今陛下以畜夫口辨而超遷之臣恐天下隨風而靡爭口辯無其實文帝曰善乃止詔釋之駸乘徐行續漢書曰耿秉字伯初拜謁者僕射每公卿會議常引秉耿秉上方略季明有高才又曰上殿訪以邊事耿秉上方略季明有高才漢書曰汲黯為中召耿秉詣省闈問前後所上便宜方略張顯片言曰謁者僕射季明清遠有高才多識前代格言為揚雄司馬之視河內失火求天下遺書漢書曰汲黯為燒燬千餘家上使黯往視之還報曰家人失火屋比延燒不足憂臣過河內貧人傷水旱萬餘家或父子相食臣謹以便直持節發河內倉粟以賑貧民請歸節伏矯制罪上賢而釋之又曰成帝河平三年謁者陳農使使求遺書於天下按師古注曰言令陳農為使而使之求遺書也

江充使匈奴終

**軍行郡國**

又曰江充拜謁者使匈奴始充自請使匈奴可預圖又曰終軍字子雲為謁者使行郡國建節東出關關吏識之曰此使者乃前棄繻生也軍行郡國所見便直以聞還

**掌朝觀威儀**

領臺內禁令表注曰謁者僕射一人秦官掌朝觀威儀又曰謁者問免

**主父偃所言九事**

宋叔平奏罷九卿西入關上書闕下朝奏暮召入見所言九事其八事為律令一事諫伐匈奴尊立衛皇后及發燕王定國陰事偃有功焉大臣皆畏其口賂遺累千金謝承後漢書曰宋度字叔平除謁者以詔書賜降侯朝口門門開度頓首讓胡掾賜畢奏罷大鴻臚京師稱曰宋叔平一史奏罷九卿

**謁者僕射二**

**古重武事**

應劭漢官儀曰謁者僕射秦官也堯之古重武事是故設主射以督之

尊官漢官儀明帝詔曰謁者乃堯持匕首劍又曰昔

使荆軻劫始皇變起兩楹之間其後謁者冠高山冠

胡廣漢官儀曰秦滅齊以其君冠賜出則奉引

近臣今謁者僕射所冠高山冠是也晉百官表注曰謁者

官志曰謁者僕射為朝則儼贊十人掌捧詔書朝會

天子出則奉引也贊則儼大聲者補之漢官舊儀曰謁者以補之威容

者為之晉百官表注曰漢皆用孝廉年因流水為排

魏志曰韓暨為謁者舊時治作馬排每一熟石用馬百

匹更作人排又費功力倍乃因長流為水排年計其利

益三倍於前在職上直持赤幘字景伯為謁者上直

七年器用充實次倩魁岸武帝異之漢書曰江充

令持赤幘百僚不謁者為威容贊拜殿中音動左右帝偉之

孫瓌瑋和帝偉之華嶠漢書曰何熙字孟孫身長八尺

謁者為威容贊拜殿五寸體貌瓌瑋與人絕異和帝時拜

淵鑑類函卷一百五





中並屬光祿勳魏無三署郎猶置左右中郎將晉武帝省左右中郎將官宋孝武大明中復置銀章青綬武冠絳朝服佩水蒼玉齊左右中郎將屬西省梁代並分司丹禁今中郎將四十四員郎將六十四員各附諸軍諸衛篇唐亦置諸衛中郎將永徽三年八月避太子名改中郎為旅賁郎將又改為翊軍郎將尋復舊名 **增**應劭漢官儀曰五官中郎將秦官也秩比二千石三署郎屬焉 漢舊儀曰左中郎將秩比二千石主謁者 宋制見左右衛將軍等篇中金章宗時伐宋置武臣九階中有殄寇中郎將 元明無

五官左右中郎將二

**增**太平御覽曰郎將星若今之左右郎將也故星讚曰郎將一星主閱具為武備 續漢書曰楊乘字叔節以尚書侍講蔡邕字伯喈以侍中為左右中郎 後漢書樊英字季齊順帝備禮徵拜五官中郎將數月以病遜位歸 魏武令曰告子文沙等悉為侯而子桓獨不封而為五官郎將此是太子可知矣 冊府元龜曰裴俠魏孝武時為右中郎將及帝西遷俠將行而妻子猶在東郡滎陽鄭偉謂俠曰天下未定何如東就妻子俠曰既食人祿寧以妻子易圖也遂從入關

五宮左右中郎將三

**原**皆主宿衛

出充車騎

漢官儀曰凡郎官皆主更直

中郎將主宿衛

明習故事

專掌難問

續漢書曰五宮

殿門出充車騎

五宮中郎將純在朝歷世明習故事建武初舊章多所正定

每有疑議輒以訪純自郊廟冠婚喪祀禮儀多所正定

帝甚重之東觀漢記曰魏應字君伯拜五宮中郎

將諸儒於白虎觀講論五經同異使應專掌難問

征武陵蠻

擊潁川賊

又曰賊官以城門校尉轉左中

南嵩為左中郎將持節與右中郎將朱儁共發五校三

河騎士及募精勇四萬餘人嵩儁各統一軍共討潁川

有大功

甚得衆情

黃巾郵士卒甚得衆情

數進忠諫

冊府元龜曰皇甫

郎將數進忠諫論議守正不希世偶朝臣譚其節

單于聞承宮求見

孫權嘉宗預抗直

後漢書曰承宮

字少子遷左中

郎將名播匈奴時北單于遣使求得見宮顯宗較自整

飾宮對曰彘翟眩名非識實者也臣狀駭不可示遠

宜潑有威容者帝以大鴻臚魏應代之蜀志曰宗預

為右中郎將使吳孫權問預曰東之與西譬猶一家而

聞西更增白帝之守皆事勢宜然俱不足相問也權大笑

嘉其抗直

甚愛待之

江革恩寵莫與為比

用漢記曰江革拜五宮中郎將每朝會帝常使虎賁扶

恩寵莫與為比於於是京師貴戚衛尉馬廖侍中竇憲慕

其行各奉書致禮革無所報受帝聞而益善之

書曰臧宮字君公轉左中郎將武溪賊至江陵降

之凡將兵二十餘年以謹信質樸故常見任用

慶忌以光祿大夫轉

段會宗以金城太守遷

漢書曰

以光祿大夫遷左曹中郎將

又曰段會宗以金城太

守遷左曹中郎將將光祿大夫使安輯烏孫會宗還奏事

公卿議會宗權得便宜以輕兵深入烏孫即誅番兵宣

明國威宜加重賞天子賜會宗爵關內侯黃金百斤是

設官部

州監項丞卷一百六

五宮左右中郎將

時小昆彌繼父早爰寔擁眾欲害昆彌  
漢復遣會宗使安輯與都護孫建併力

### 五官左右中郎將四

**原**主左署郎續漢書百官志曰左中郎將比二千石主

主右署郎又曰右中郎將比二千石主右署

徵拜順帝時備禮徵拜英為五官中郎將按後漢書

引賜凡杖待以師傳之禮延問得

失英不敵辭乃拜五官中郎將

嚴字威卿為五官中郎將邊境有事輒下嚴處便宜上

時初立及欲知下情引納勅嚴有所聞見輒言帝令

使詣省門上封表遣子以手書

為左中郎將時隨中山王

英南討以功賜爵臨淄侯

汝南陳國諸賊悉皆破

牛之以功進西鄉侯

章帝甚重之

增爵臨淄侯

世祖甚嘉之

又曰周山圖

為左中郎將

曰朱儁為右

曰魏應為五

曰經明

曰

曰

曰

曰

曰

### 三署郎官一

**原**杜氏通典曰漢中郎將分掌三署郎有議郎中郎皆

六百侍郎比四百郎中比三百

凡四等皆秦官無員多至千

皆掌門戶出充車騎其散郎謂

故卿

節公府掾曹試博士者亦充茲位其下第白衣試博士

節公府掾曹試博士者亦充茲位其下第白衣試博士

節公府掾曹試博士者亦充茲位其下第白衣試博士

節公府掾曹試博士者亦充茲位其下第白衣試博士

節公府掾曹試博士者亦充茲位其下第白衣試博士

行修章帝甚重之數令進

見論難於前特受賞賜

時沈攸之事起世祖為西討都督啟山圖為軍副世祖

留據盆城眾議益城小不如還都山圖曰今據中流為

四方勢援大眾致力川嶽可為城隍小城不足難也

世祖委山圖以處分事旬日皆辦世祖甚嘉美之

**原**置官屬副丞相

不為魏志曰建安十六年天子命魏公子

置官屬副丞相

置官屬副丞相

置官屬副丞相

設官部

尚書省

三署郎官

曰

者皆拜郎中中郎有五官左右三將

謂五官中郎將

有車戶騎三將

如淳曰主車曰車郎主戶衛曰戶郎漢舊儀曰郎中令主郎中左右車將主左

右車郎左右戶郎

凡郎官皆主更直執戟宿衛諸殿門唯

議郎不在直中

漢儀曰三署郎見光祿勳執板拜見五官左右郎將執板不拜於三公諸卿無

敬郎官故事令出錢市財用給文書乃得出時號曰山

郎

謂以賞財為郎山者財用之所出故取名

或至歲不得休沐其豪富郎日

出遊戲或行錢得善部貨賂流行轉相倣效楊惲

字子幼

為中郎將罷山郎其疾病休沐皆以法令有過奏免薦

舉其高第有行能者多至郡守九卿三署化之莫不自

勵宮殿之內翕然同聲其後遂以為常

後漢和帝永元元年初令郎官

詔除者得占丞尉以比秩為真

凡三署郎官二漢並屬光祿選三署郎

有行應四科者歲舉茂才二人四行二人

後漢范滂字孟博舉孝廉

光祿四行時冀州飢荒盜賊羣起乃以滂為清詔使以按察之旁登車攬轡慨然有澄清天下之志及到州境

守令有賊汚者望風解印綬而去其所舉奏莫不厭塞眾議

又上廉吏六人為長理

劇隨缺多少萬戶以上為劇縣其缺少者不選公府亦

然故明帝時館陶公主為子求郎帝不許賜錢十萬曰

夫郎官上應列宿出宰百里苟非其人人受其殃

後漢桓靈

問三署見郎七百餘人而郡國計吏多留拜為郎太尉楊秉上疏諫曰先王建國順天置官太微積星名為郎

位入奉宿衛出牧百姓云案自近代皆謂郎官上應列宿出宰百里為尚書郎故事凡夫天文有武貴郎位

等星皆在太微帝座之後為羽翯之象則應劭楊秉所言三署郎是也而世人謂之尚書郎則誤矣微其失也

尚書郎則誤矣微其失也

蓋自梁陶漢職官要錄以漢三署郎故舊有郎中將右  
 事通為尚書郎循名失實疑誤後代  
 騎光武中興悉省漢袁盎卜式張騫並為中郎韓信主  
 以事怒郎藥崧崧走入牀下上將杖撞崧崧曰天子穆  
 穆諸侯皇皇未聞人君自起撞郎上乃舍之又班固二  
 代位不過郎又陳蕃諫靈帝曰昔明帝公主為子求郎  
 賜錢十萬今陛下除拜郎吏無有休已以一郎比一把  
 耳晉議郎遷為太守山公啟事曰議郎許允亦有郎中  
 等官其後雖有中郎將等官而無三署郎矣

三署郎官二

**增**漢書曰馮奉世選為郎年四十餘乃學春秋讀兵書  
 前將軍韓增奏為軍司空令 又曰劉向年十二以父  
 德任為輦郎既冠以行修飭擢為諫大夫 後漢書曰

張酺永平九年顯宗為四姓小侯開學於南宮置五經  
 師酺以尚書教授數講於御前以論難當意除為郎賜  
 車馬衣裳 陳蕃傳曰蕃拜尚書時詔下州郡一切皆  
 得舉孝廉茂才蕃上疏駁之曰三署郎吏二千餘人三  
 府掾屬過限未除但當擇善而授之簡惡而去之豈煩  
 一切之詔以長請屬之路乎以此忤左右出為豫章太  
 守

三署郎官三

**增**使賦平樂 給札蘭臺漢書曰枚舉上書北闕自陳  
 見待詔臯因賦殿中詔使賦平樂館善之拜為郎後  
 漢書曰賈逵傲儻有大節尤明左氏傳國語為之解詁

五十一篇永平中上疏獻之顯宗重其書寫藏秘館時  
有神雀集宮殿官府帝勅蘭臺給筆札使作神雀頌拜  
為郎與班固並校選送大宛募使月氏漢書曰馮  
秘書應對左右孫大有擊匈奴之功而西域諸國新輯  
家子選為郎烏孫大宛之選可使外國者以衛候使持節送  
漢方善遇欲以安之選張騫建元中以郎應募使月氏  
大宛諸國客留騫十餘歲子妻有子然騫持漢節不失  
匈奴得之留騫十餘歲子妻有子然騫持漢節不失  
數出西域還到龜茲又曰鄭吉以卒伍從軍數出西  
事龜茲言匈奴使從烏孫還在此介子因率其吏士共誅  
龜茲使介子為中郎潰圍陷陣銳精覃思又曰趙充  
馬從壯士百餘人潰圍陷陣身被二十餘創詔徵充國  
乃與壯士百餘人潰圍陷陣身被二十餘創詔徵充國  
詣行在所武帝親見視其創嗟歎之拜為中郎後漢  
書曰陳元習左氏春秋銳精覃思至不與鄉里通以父  
杜林鄭興俱為學者所宗格殺猛獸超踰亭樓漢書

曰李廣為郎騎常侍數從射獵格殺猛獸文帝曰惜廣  
不逢時令當高祖世萬戶侯豈足道哉又曰甘延壽  
少以良家子善騎射為羽林投石拔距絕應對莫窮  
於等倫嘗超踰羽林亭樓由是遷為郎應對莫窮  
體貌甚麗又曰東方朔與幸倡郭舍人相難問朔應  
以朔為常侍郎遂得愛幸又曰車安世精力樊  
千秋為高寢郎長八尺餘體貌甚麗安世精力樊  
梵重慎又曰張安世少以父任為郎用善書給事尚書  
二十餘年三寬饒對策耿秉言兵漢書曰樊梵為郎  
署服其重慎寬饒對策耿秉言兵漢書曰樊梵為郎  
方正對策高第遷諫大夫後漢書曰耿秉能說  
司馬兵法以父任為郎數上言兵事顯宗然其言  
三署郎官四  
與方進交漢書曰何武以射策甲科為郎與翟方  
與劉歆並又曰楊雄奏羽獵賦除為郎釋之以貲為  
設官部  
附錄頁  
三署郎官

郎又曰張釋之與兄仲同居以貴為騎郎事文帝十年不得調釋之曰久宦減仲之產欲免歸中郎將袁盎知其賢乃請徙相如以貴為郎又曰司馬相如少時為郎事景帝為武騎常侍為郎數歲上遣相如責唐蒙等因諭告巴蜀民

虎賁中郎將一

**原**杜氏通典曰周官有虎賁氏掌領虎士八百人軍旅

會同君宿於外則守王閑閑音陞行馬也漢武帝建元

三年初置期門比郎中蓋以微行出遊選材力之士執

兵從送期之諸門故名期門無員多至千人平帝元始

元年更名虎賁郎置中郎將領之故有虎賁中郎將主

虎賁宿衛冠插兩鵝尾後漢崔鈞為虎賁中郎將服武弁戴鵝尾紗縠單衣

虎文錦袴餘郎亦然凡有虎賁中郎將虎賁侍郎虎賁

郎中節從虎賁皆父死子繼若死王事亦如之前賢亦

多為者後漢馬援孔融並為虎賁中郎將還尚書魏唐

無增續漢書曰虎賁中郎將秩比二千石虎賁中郎

比六百石虎賁侍郎比四百石虎賁郎中比三百石虎

賁比二百石皆無員數直宿衛侍從虎賁武騎皆鵝冠

虎文單衣

虎賁中郎將二

**增**尚書牧誓曰戎車三百兩虎賁三千人與紂戰於牧

野作牧誓 周書曰古有虎賁士千人以牛投牛以馬



投馬以車捧車 東觀漢記曰馬援從隴西太守遷虎  
賁中郎將 又曰馬后不以私家干朝廷兄馬防為虎  
賁中郎將訖永平世不轉 又曰太后姊子夏壽等私  
呼虎賁張鳴與敖戲爭鬪上特詔曰爾虎賁將軍家國  
厚恩位在中臣宿衛禁門當進人不避仇讎舉罰不避  
親戚今者久於殿中交通輕薄畏懦恣縱此皆生於不  
學之門所致也 又曰馬廖任隗皆從羽林監遷虎賁  
中郎將 漢名臣奏曰丞相薛宣奏漢興以來深考古  
義推萬變之備於是制宣室出入之義正輕重之罰故  
司馬殿省闕至五六里周衛擊刁斗防未然也陛下聖

德純備海內晏然此國家之明制必前後備虎賁 後  
魏書曰韓茂膂力絕人尤善騎射太宗曾親征丁零翟  
猛茂為將軍執幢時大風諸軍旗旌皆偃仆於地茂馬  
上將幢初不傾倒太宗異而問之尋徵詣行在所試以  
騎射深奇之以茂為虎賁中郎將 九州春秋曰袁術  
為虎賁中郎將張讓殺何進術斫閣起火

虎賁中郎將三

**原**冠鷓尾

服虎文

漢官儀曰虎賁中郎將戴鷓尾冠鷓尾

指碎鬚不死不止尾

馬防不遷

潘岳寓直

馬防事見上虎賁中郎將

戴毛鷓也

續漢書百官志曰虎賁服虎文章服襄邑

成虎文

設官部

州監類可卷一百六

虎賁中郎將

岳秋興賦云余春秋三十有二始見二毛以太尉

董允解驂 陳稜開霧 冊府元龜曰蜀董允為侍中領

濟等共期遊宴嚴駕已辦而郎中董恢詣允備敬

與同好遊談也今君已自屈方展閣積捨此之談就彼

之宴非所謂也乃命解驂其守正下士凡此類也

兩陳稜為虎賁郎將發東陽兵擊琉球國其日霧

主宿衛屬官 掌軍旅會同 續漢書百官志曰虎賁中

衛屬官有左右僕射左右陞長各一人僕射主虎賁郎

習射陞長主直虎賁朝會在殿中皆無員掌宿衛侍從

自節從虎賁久者轉遷才罷差高至中郎亦如之舍則守

賁氏掌先後王而趨以卒伍軍旅會同亦如之舍則守

王開王在國則守王宮國有大故 增光武歎何湯

則守王門適四方使則從士大夫 增光武歎何湯

太武壯韓茂 冊府元龜曰後漢何湯為虎賁中郎將光

武嘗歎曰壯武夫公侯干城何湯之謂

也 又曰北魏韓茂為虎賁中郎將從征統萬大破之

及從 平涼茂所衝莫不應弦而殪由是太武壯之

孔融三日而遷 張純一日數見 續漢書曰孔融

職三日而遷虎賁中郎將會董卓廢立融每因對答輒

有匡正之言以忤卓旨轉為議郎時黃巾寇數州而北

海最為賊衝卓乃諷三府同舉融為北海相融負其高

氣志在靖難而才疎意廣迄無成功 又曰張純兼虎

賁中郎將一日至數見持重慎 密時上封事削去草清廉自守

虎賁中郎將四 如虎奔走 官漢

原奉書四方 周禮曰若道路不通有徵 儀虎賁中郎將古官也尚書稱武王虎賁八百人會受

於牧野言其猛恣如虎之奔走古有勇士孟賁故曰虎

賁蓋已 增每有戰功 冊府元龜曰北齊莫多婁賁文

此是已 增每有戰功 冊府元龜曰北齊莫多婁賁文

於於廣阿有功時汾州多邊寇高祖往 所向皆破 又

討之以貸文為前鋒遇敵每有戰功 虎賁中郎將

設官部 虎賁中郎將

解斯萬善為武貴郎將突厥始畢之圍雁門也萬  
 善奮勇擊之所向皆破每敵至必出以當其鋒  
 於進對虎賁中郎將援常受齊詩師事穎川滿昌後為  
 言及三輔長者下至閭閻辭氣抑揚又曰閩毗領武貴  
 里少年事皆可觀聽下宣諭職弓弩亂發矢  
 團遼東城令毗詰城不變辭氣抑揚事卒而去  
 中所乘馬毗顏色不變辭氣抑揚事卒而去  
 桓又曰後漢馬援為虎賁中郎將擊交趾微側軍還謂  
 之男兒要當死於邊野以馬革裹屍還葬耳何能臥林  
 上在兒女手中耶會匈奴為武貴郎將與朝議大夫張  
 之 分擊琉球又曰陳稜為武貴郎將與朝議大夫張  
 琉球國分為五軍趨其都邑其王渴刺兜  
 率其眾逆拒稜遣鎮周為先鋒擊破之  
 軍又曰張赦提為虎賁中郎將京畿盜賊自稱虎子豹子以  
 赦提為逐賊將軍未幾獲虎子豹子及其黨與盡送  
 京師自是清淨

**原** 歲漢崔駰虎賁中郎將箴曰赫矣帝臣爰奮厥武桓  
 桓征夫矯矯其旅王師是成戎事是禦惟鳥之鷓惟霆  
 之發出翼王路入司階闡功懲閑邪憂其萌孽

中郎將一 雜中郎將附

**增** 文獻通考曰使匈奴中郎將後漢主護南單于以張

平越中郎將州主護南越司金中郎將趙王循武衛

中郎將儲為之唐無匈奴中郎將續漢書曰張奐

字然明與段紀明皇甫威明號涼州三明並為匈奴中

郎將魏畧曰河北始開冶以王修為司金中郎將修

奏記曰修聞枳棘之林無柱梁之質涓流之水無洪波

設官部

州監領卷一百六

中郎將

士

之勢是以在職七年忠謹不昭於時功業不見於事力少任重不堪為懼 魏志曰任峻字伯遠為典農中郎將數年所在積粟廩倉皆盈 又曰毋丘儉字仲恭河東聞喜人為洛陽典農時取農民以治宮室儉上疏曰臣愚以為天下所急除者二賊所急務者衣食誠使二賊不滅士民飢凍雖崇美宮室猶無益也 魏略曰上以農殖大事將選典農以徐邈為潁川典農中郎將所  
在著稱 魏志曰許褚字仲康太祖與遂超等單馬會語左右皆不得從唯將褚超負其力陰欲突太祖素聞褚勇疑從騎是褚乃問太祖曰公有虎侯者安在太祖

顧指褚褚瞋目盼之超不敢動乃各罷後數日會戰大破超等褚身斬首級遷武衛中郎將武衛之號自此始也 後漢書袁紹傳曰魏郡兵反賊有陶升者自號平漢將軍獨反諸賊將部眾踰西城入閉府門具車重載紹家及諸衣冠在州內身自扞衛送到斥丘紹還因屯斥丘以陶升為建義中郎將 漢書曰武帝拜張騫為中郎將使西域 又曰宣帝即位詔曰朕微眇時故掖庭令張賀輔導朕躬賀有孤孫霸七歲拜為中郎將 東觀漢記曰更始入長安多用羣小時人為之語曰竈下養中郎將 後漢書曰董卓以呂布為騎都尉誓為

父子甚愛信之遷至中郎將卓自知凶恣每懷猜畏常以布自衛小失卓意拔手戟擲之布拳捷得免而改容頓謝卓意亦解布由是却怨於卓 蜀志曰霍峻字仲邈南郡枝江人也兄篤於鄉里合部曲數百人篤卒荆州牧劉表令峻攝其眾表卒峻率眾歸先主先主以峻為中郎將 又曰劉焉江夏人少在州郡以宗室拜中郎 又曰張飛字翼德涿州人也少與關羽俱事先主羽年長數歲兄事之先主從曹公破呂布還許昌曹公拜羽飛為中郎將

中郎將二

**原**納叛羌

迎單于

續漢書曰皇甫規以西羌之叛為中郎將討納叛羌

武一十四年遣中郎將

衛綰長者

郅都敢諫

漢書

綰以戲車為郎事文帝功次遷中郎將

綰長者善遇之及景帝立歲餘幸上

且前時屬孝景曰綰長者善遇之及景帝立歲餘幸上

林詔中郎將驂乘還而問曰君知所以得驂乘乎綰曰

臣代戲車士幸得功次遷待罪中郎將不知也上重其

醇謹案戲車謂能左右超乘也

又曰都為中郎將

敢直諫面折大臣于朝常從入上林賈姬在廁野蔬入

廁上欲自持兵器救賈姬都伏上前曰陛下縱自輕奈

宗廟太后何太后問之賜都金百斤上亦賜金百斤

使匈奴

增

烏桓迎拜

大食款塞

賜之金券

衣以錦袍

又

復轉遼東太守烏桓望風率服迎拜於界上又曰唐

李嗣業為中郎將天寶時征勃律遂長驅至其城擒勃

律王於是拂林大食諸國

皆欵塞朝獻嗣業之功也

唐堯君素大業末為鷹揚郎將兵起從屈突通鎮河中

通出戰被執城圍甚急君素作木鵝置書於鵝浮之黃

設官部

尉監貢納卷一百六

尉監貢納卷一百六

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

中郎將

河以求外救高祖賜之金券許以不死又令妻至城下  
 呼之君索引弓射之又曰唐王難德為騎將吐蕃寇  
 河源難德突往刺之斬其首以歸元宗召問之因令馳突  
 作殺瑯琊支都壯左金吾衛郎將 斷橋瞋目 驅馬  
 疾呼通鑑曰張飛字翼德為中郎將曹操入荊州先主  
 棄妻子走江使飛將二十騎拒後飛據水斷橋瞋目橫矛  
 曰身張翼德可來共決死敵皆無敵近者故得免 冊  
 被圍善與一騎共敵打策驅馬疾呼以矛突賊賊披策  
 因隨出拜焉 輕騎鈔擊 精卒先登 又曰後漢任尚  
 將率羽林緹騎五營子弟三千五百人代班雄屯三輔  
 行數百以步追之勢不相及莫如罷諸郡兵各令出錢  
 共市一馬如此以萬騎之眾逐數千之寇追尾掩截其  
 道自窮尚用其計乃遣輕騎鈔擊杜季貢於丁奚城斬  
 首四百餘級獲牛馬羊數千頭 又曰負齊為武威中

郎將常討山賊賊中有善禁者每當交戰官軍刀劍不  
 拔弓矢還自射賀曰吾聞金有刃者何禁不能禁無刃  
 之物乃多作勁木白倍選有力精卒為先登賊持其善  
 禁了不嚴備於是官軍以白倍擊之禁不復行所擊殺  
 者萬 田豫威名 徐盛忿怒 又曰田豫為護匈奴中  
 聞其威名相率來獻州界寧肅百姓懷之 又曰吳徐  
 盛為中郎將大帝為魏稱藩魏使那貞拜為吳王帝出  
 都亭候貞貞有驕色盛忿憤顧謂同列曰盛等不能奮  
 身出命為國家并許維吞巴蜀而令吾君與貞盟不能  
 辱乎東將相如此非久下人者也 使護西域 求佐  
 王師 又曰後漢鄭眾明帝時為軍司馬使與虎賁中郎  
 句奴魯中師圍戊巳校尉眾發兵救之遷武威太守  
 又曰張燕為平難中郎將太祖將定冀州燕遣使求佐  
 軍師眾詣都 劉隆破交趾 霍峻守葭萌 漢劉隆  
 為騎都尉封元侯以中郎將副伐交趾將軍馬援擊交  
 趾徵則等隆別於禁谿口破之獲其神鏡還封大

國為長平侯 又曰蜀霍峻為中郎將先主自葭萌南還漢劉璋留峻守葭萌城張魯遣將楊昂誘峻曰願

得帛乃退去 諸將恐懼獨率兵斫敵 衛士散走遂

登門叫呼 又曰吳徐盛為中郎將督校兵曹公出濡須

時乘蒙衝遇風船落敵岸下諸將恐懼盛獨率兵上

突所蔽蔽披靡退走風止便還大帝壯之 又曰唐薛

仁貴為右領軍郎將北門長上永徽五年駕幸萬年宮

甲夜山至衛突元武門宿衛者走散仁貴曰安有天

子有急驟敢濯死遂登門枕呼以警宮內帝遽出乘

高儀而水入寢殿帝謂仁貴曰獺獅得免淪溺始知有

御馬一匹 賜

中郎將三

原倉庫並盈 魏志曰任峻字遠伯為典農 所在著稱

又曰上以典農中郎將所在著稱 徐邈 指殿上皆懼 通鑑曰漢

為典農中郎將所在著稱

帝時為中郎將單于嘗為書嫚呂太后太后怒召諸將

議之 上將軍樊噲曰臣願得十萬眾橫行匈奴中諸將

皆阿呂太后以噲為然布曰噲可斬也夫以高帝兵三

十餘萬困於平城噲時亦在其中今噲等起今創夷未瘳

橫行匈奴欲中面諛動天下是時殿上皆懼太后罷朝遂不

復議 殿內翕然 行禁元龜曰楊惲為中郎將令

奴事 伐山開道 又曰後漢來歙為中郎將襲畧陽將金梁因

保其城 大驚 斬山為道 又曰賀齊為威武中郎將

曰何其神也 立高數十丈徑所不備處以戈拓斬山為

屯林懸山壁立高數十丈徑所不備處以戈拓斬山為

政齊陰募士為作鐵戈密於所不備處以戈拓斬山為

驚亂備險者皆走還大軍因是遂上天寶時安西都知兵

旗先登 又曰唐李嗣業為中郎將天寶時安西都知兵

謂嗣業曰不午時須破此賊 嗣業乃引步軍持長刀上

設部 嗣業曰不午時須破此賊 嗣業乃引步軍持長刀上

謂嗣業曰不午時須破此賊 嗣業乃引步軍持長刀上

謂嗣業曰不午時須破此賊 嗣業乃引步軍持長刀上

謂嗣業曰不午時須破此賊 嗣業乃引步軍持長刀上

謂嗣業曰不午時須破此賊 嗣業乃引步軍持長刀上

謂嗣業曰不午時須破此賊 嗣業乃引步軍持長刀上

山獨引一旗于絕險處先登諸將因之匹馬先入又

唐薛仁貴顯慶中為右領軍郎將與高麗大將溫沙多

射者于石城下射殺十餘人仁貴單馬直往擊桂陽

賊又曰度尚為中郎將時擊斬桂陽

中郎將擊瑯琊賊又曰後漢

涼州流通又曰後漢

著二十七篇又曰後漢

著二十四篇又曰後漢

書招

隗囂將又曰後漢來歙為中郎將遵乃與家屬東詣京

師離間元海部又曰晉劉琨為并州刺史領匈奴中

許琨密遣離間其部降者萬餘與徐璆討黃巾朱

為鎮賊中郎將與徐璆共討黃巾擊賊帥趙弘斬之

賊復據宛乞降不許因急攻之不克傷謂張超曰賊乞

降不受欲出不得所以死戰也圍出戰大破之

必自出此易破之道也既而圍解忠果出戰大破之

與周瑜困曹仁又曰吳呂蒙為橫野中郎將蒙與周

舉軍來附喻表以肅兵益蒙蒙稱肅有膽用且募

化遠來於義宜益不宜奪也大帝善其言乃還肅兵

原設方略群盜悉破東觀漢記曰段熲字紀明有文武

萬人為亂遣兵討之連年不克桓帝詔公卿選將有文

武者司徒尹詵薦熲乃拜為中郎將熲到旆設方略旬

月羣盜悉破宣方略匈奴乞降明為使匈奴中郎將率步

設官部

尚監領部卷一百六

中郎將



騎二萬宣布方略大破鮮卑匈奴懼與乞降聲勢  
 猛烈其後戰慄不敢犯邊時休屠等反眾大懼與安坐  
 相如建節使邛笮漢書曰司馬  
 若徐乃設奇破之蜀太守以下郊迎縣令負弩先驅  
 將建節使邛笮至蜀太守以下郊迎縣令負弩先驅  
 蜀人皆以為寵於是卓王孫及臨邛諸公因門下獻牛  
 酒以蘇武持節使匈奴又曰蘇武字子卿以中郎將  
 交歡常惠以事犯單于武受辭武謂惠曰屈節辱命雖  
 生何面目以歸漢引佩刀自刺武氣絕半日復息匈奴  
 知武不可脅乃幽武穴中絕不飲食天雨雪齧雪與旃  
 毛并吞之數日不死匈奴以為神徙武北海無人處  
 使牧羶至海上廩食不至掘野鼠食之口對兵事畫地成圖  
 又曰張安世子千秋與霍光子禹俱為中郎將將兵隨  
 度遠將軍范明友擊烏桓還謁大將軍光問千秋戰鬪  
 方略山川形勢千秋曰皆對兵事畫地成圖無所亡失光  
 復問禹禹不能記曰皆有文書光由是賢千秋以禹為  
 不才歎曰霍氏興矣口陳西域手畫地形謝承後漢書曰  
 世衰張氏興矣口陳西域手畫地形謝承後漢書曰

於從政為漢良吏遷匈奴中郎將討賊有功還見太尉  
 問其西域諸國土地風俗人物種類是悉口陳且手畫  
 地形因其奇才歎曰設此班子幼法令從事郎官化之  
 固作西域傳又何以加此子幼法令從事郎官化之  
 漢書曰楊惲字子幼為中郎將以法令從事郎官化之  
 者有罪過輒奏免絕請謁貨賂之端令行禁止威  
 明巡視將士三軍感悅謝承後漢書曰皇甫規字威明  
 為中郎將討降會軍士郎將大疫規親入庵廬巡視將士三軍感悅

中郎將四

增詩唐岑參送劉郎將歸河東詩曰借問虎賁將從軍

凡幾年殺人寶刀缺走馬貂裘穿山雨醒別酒關雲迎

渡船謝君賢主將豈忘輪臺邊

增誌唐張說郎將葛君墓誌曰公諱威德字某葛氏本

梁國寧陵人也公室無陶白之資朝無金張之援不承過庭之訓不漸鼓篋之術而能奮飛喬木獨拔深濟早以武藝妙選供奉每扈遊別館侍蹕禁林何嘗不左發五紆傍連雙兔入陪內仗思馬斯才出典外軍握兵之要所謂白珪特達青雲自致者也

四中郎將一

**原**杜氏通典曰東中郎將後漢靈帝以董卓為之南中郎將後漢獻帝以西中郎將晉以謝曼桓冲為之北中郎將後漢以盧植為之並後漢置江左彌重或領刺史或持節為之銀印青綬服同將軍後魏靈太后時四中郎將兵數寡

弱不足以襟帶京師任城王澄奏宜以東中帶滎陽郡南中帶魯陽郡西中帶弘農郡北中帶河南郡選二品三品親賢兼稱者居之配以強兵則深根固本之計也靈太后初從之後復止唐至德後節度都團練使始其遺職**智**沈約宋書曰西平中郎將南北東西中郎將後漢號也

四中郎將二

**原**鄢陵代郡 山濤守鄴魏志曹彰傳曰建安二十一年代郡烏桓反以彰為北中郎將行驍騎將軍彰北征入涿郡界叛兵數千騎卒至時兵馬未集用田豫計固守齒乃退散彰追之射敵騎應弦而倒者相屬彰鎧中數箭意氣益厲乘勝逐北至於桑乾晉書曰山濤轉北中郎將督蔣濟請留任城奏選魏志蔣濟傳曰文鄴城守事帝踐祚出為東中

郎將蔣濟請留詔曰天下未寧要須良臣以靖邊境如其無事乃還鳴玉未為遲也任城事詳上通典

**增**荀羨年少叔優才宜將徐州刺史時年二十八

郭泰別傳曰王叔優問才之所宜於郭泰

四中郎將三

**增**文武兼資魏志曰蔣濟字子通文帝即位為東中郎將代領其兵詔曰卿兼資文武常有超越江湖

**增**文武器任晉起

兵併吳會之志故復授將帥之任

曰文武器任者高錫王珪今來之國雖當出為蕃輔以

有文武器任者高錫王珪今來之國雖當出為蕃輔以

才幹事亦古之制也其以珪監沔中軍事曰桓宣監

沔中軍事南中郎將江夏相鎮襄陽十餘年間石季龍

再攻之宣能得衆心每能以寡弱距守論者以為次于

周訪隸平南將軍又曰張浦為南中郎將南

原曹

植沈醉太祖罷之魏志曰魏太祖以曹植為南中郎將

郎中一

**原**入賀秦王上書光武韓子曰秦昭王有病百姓為

渴而問之百姓曰非社臘之時也奚自殺牛賽禱而祠社

怪公孫衍說見王拜賀曰過堯舜矣王驚曰何謂也對

曰堯舜其民未至為之禱也今王病而使人以牛禱病愈

殺牛賽禱故臣以為王過堯舜也王因使人問之何里

為之賽禱其里正與伍老屯二甲注屯罰也論衡曰郎

中王貴上書光武言孝文皇使成前書令校圖識

帝時居明光宮斷獄三人也

郎中

郎中

郎中

郎中

華嶠後漢書曰班固拜為郎中使終成前所著書學者

莫不誦讀自為郎中遂見親近讀書禁中或連日繼夜

於前行巡狩輒獻上賦頌朝延有大議郎中謝承後漢

書曰尹敏字功季治尚書郎朱家大俠意季布匿其所

赴急漢書曰汝陰侯滕公知朱家大俠意季布匿其所

剛為柔布名見謝如朱家指上乃赦布諸公皆多布能推

書袁京習易尚書經明舉孝廉拜郎中蓋豫受古文

習孟氏易作難記高詡信行包咸孝廉又曰高詡

郎中以信行清操知名王莽篡位父子稱盲逃不仕

明絳侯無罪諫鄧后臨朝兄噲任監為郎中絳侯

為丞相朝罷上常目送之盎曰絳侯功臣非社稷人上

侯望盎曰吾與汝兄善今兒乃毀我及絳侯就國人上

書告以爲反徵詣請室諸公莫敢為言唯盎明絳侯無

罪後漢書曰杜根舉孝廉為郎中時和熹鄧后臨朝

乃與同時郎上書直諫

郎中二

原志美行勵謝承後漢書曰張堪字君遊年十六受業

見堪志操常嘉焉及即位中清操自然相朱則上書

郎將來欽薦堪召拜郎中

言揚其心乃詔拜泉郎中

長事文帝輦過問唐曰

父老何事為郎家安在

在殿下問父年幾何故

晉記曰東海劉儉請除

色養居喪過禮除郎中

徐樂嚴安亦俱上書言世

上述鴻業後漢書曰帝東巡狩鳳凰黃龍並集揚終贊

虞詞孝養又曰虞詡年十二能通尚書早周興孝

友又曰周興為郎中少有名譽尚書陳忠上疏薦興曰

可觀見光祿郎周興孝友之行著於閨門屬文著辭有

興初除郎中肅宗詔香詣東觀讀所未嘗見書香後告

顧謂諸王曰此天下無雙江荀爽無雙又曰荀爽字

夏黃童者也左右莫不改觀荀爽無雙慈明穎川為

無雙延熹九年拜郎中謝廉通一經東觀順帝紀

汝南童子謝廉河南趙建年十三各通宋均善論難

華嶠後漢書曰宋均字叔庠為郎中時年十五好經書

每休沐日輒受業博士通詩禮善論難至二十餘調補

長辰陽

冗從僕射一期門僕射附

原掌射事從遊獵環濟要略曰冗從其有射事則掌

射秩六百石武帝置期

門郎有僕射掌遊獵

非尚書者冗居宿衛直守戶行則騎從仗雕鉞帶赤質

虎爪交劍童子佩刀從僕射領

臚將一日難逐疫鬼冗從僕射

射將之逐惡鬼於禁中也

宋書百官表曰冗從僕射漢東京有中黃門冗從僕射

非其職也魏世因其名而置冗從僕射

三年上微行始出北地良家子能射者期諸殿門故有期

宜春乃詔隴西北地良家子能射者期諸殿門故有期

門之號自陰興親信辛毗精勤後漢書陰興傳曰

出八常操小蓋障風雨躬履塗泥率先期門光武所幸

之虞輒先入清宮甚見親信魏志曰冗從僕射畢軌

設官部

冗從僕射

三

冗從僕射二

**原** 索官以自顯傳暢晉諸公贊曰新蔡武哀王司馬騰字元邁起家為冗從僕射意欲索官以

自顯由此求 和祥有識見晉武帝起居注曰司馬東

為南陽太守 建初置期門僕射漢書百官公卿表

識見才幹乃以 永壽置冗從僕射續漢書百

置期門郎有僕射以官 居直門戶行夾輦轂漢百官志曰期

帝永壽三年初 則直守門戶行則驍從夾輦轂漢百官志曰期

行人司一

**增** 周禮曰大行人掌大賓之禮及大客之儀以親諸侯

諸侯大客謂其孤卿 春朝諸侯而圖天下之事秋覲以

比邦國之功夏宗以陳天下之謨冬遇以協諸侯之慮

時會以發四方之禁殷同以施天下之政時聘以結諸

侯之好殷覲以除邦國之慝間問以諭諸侯之志歸賑

以交諸侯之福賀慶以贊諸侯之喜致禮以補諸侯之

裁 又曰小行人掌邦國賓客之禮籍以待四方之使

者令諸侯春入貢秋獻功王親受之各以其國之籍禮

之凡諸侯入王則逆勞于畿及郊勞胝館將幣為承而

擯凡四方之使者大客則擯小客則受其幣而聽其辭

使適四方協九儀賓客之禮朝覲宗遇會同君之禮也

存煩省聘問臣之禮也 又曰大行人中大夫二人小

設官部

周禮卷一百六

行人司

三

行人下大夫四人 馬融注云行人掌使之官正義云

周禮秋官有大行人小行人皆大夫也掌諸侯朝覲宗

廟會同之禮儀及時聘會同之事則諸侯之行人亦然

故云掌使之官謂掌其為使之官也 漢唐宋元俱無

續文獻通考曰明制行人司司正正七品行人司司

副從七品行人司行人正八品 大明會典曰行人司

司正一員行人司左右司副二員行人三百四十五員

後減為三十七員

行人司二

六節 五物 周禮曰山國用虎節土國用人節澤國

用符節都鄙用管節皆以竹為之 又曰若國札喪則

令賻補之若國凶荒則令賜委之若國師役則令槁禴

之若國有福事則令慶賀之若國有禍

裁則令哀弔之凡此五物者治其事故 皇華 清詔

事文王肩曰萬里皇華使 羣書考索 行李 輶軒

曰冀州飢荒以范滂為清詔使按察之 行李 輶軒

左傳行人子員曰君有楚命亦使一介行李告於寡

君 羣書考索 輶軒 天子使臣也常以歲八月間遣

行采方室 四駱作歌 二星向益 載毛詩曰駕彼四駱

永藏秘室 四駱作歌 二星向益 載毛詩曰駕彼四駱

歸是用作歌將母來諗 後漢書和帝分遣使各至州

郡即採觀風俗有二人當到益州使館吏李郃郃曰

君發京師寧知朝廷二使何時發使驚問何 孟陽游

以知之部指星曰有使星來向益部分野 孟陽游

寺 和甫擁麾 通鑑曰唐憲宗詔潘孟陽往江淮孟陽

書纂要曰王荆公送劉如甫奉使江南詩曰劉郎今日

博望窮源 相如建節 使博望侯張騫

行人司

窮河源又曰漢武帝使司馬相如建節各為一書

能知四國周禮曰秋官小行人云及其萬民之利害

一書其悖逆暴亂作慝猶犯令者為一書其札喪凶荒

所為一書以報其上也大夫族姓之班位貴賤能知四國之

令薛侃真鐵孟陽如玉明獻徵錄曰嘉靖時薛侃

事下廷鞫侃曰明有君父幽有鬼神頭可斷心不可欺

觀者噴噴以真鐵漢稱之又曰孟陽為行人四載不

遷或戲之曰君身自淹也陽曰君子立身當如白玉少

有瑕玷終身之耻吾身乎却銀不受必死無歸又曰黃

行人使滿刺伽國滿刺在嶺南西萬里外故事使臣得

部不受劉儼誤羅如壙墓誌曰正統十四年寇逼國

可抱我二子微劉編修儼文以著我不朽劉詹敬之

能盡職王爾康好名山張岳謨詹敬之墓表曰詹敬

靖初贈御史蓋以未官言路而死諫故以所能盡職者

官其志云陶望齡誤王爾康墓誌曰行人王爾康先

後奉冊周唐淮府復奉詔論湖廣餽

問一無所愛好遊名山遇輒留止

增采風唐詩類苑方干送人出星使高適詩曰星

報命復命玉屑使臣張旌國則張旌而語其眾王

事唐詩類苑包何詩王程羣書考索奉使程玉節

使出往外國金華使也偶逢金華使明駝使鳳

舉使俱出類

設官部

行人司

行人司



行人司四

**增**詩明何景明寄阮行人詩曰夫子風流士高懷近若何張騫能奉使阮籍自行歌文字留中嶽樓船渡大河梁都看不遠枉駕幾時過李攀龍送章行人使潞藩詩曰使者持符下風塵叱馭前諸侯城赤翟列嶂黨青天牟麥祈年時芙蓉避暑筵相逢多愛客共賦遠遊篇李夢陽送李行人還朝詩曰南使樓船滬北迴西巡車駕歛東來星辰再逐千官入閭闔重臨萬國開寒盡旌旗猶拂雪春新環珮且沾梅虞絃定有薰風奏佇望陽和徧九垓

**增**箴明宣宗行人司箴曰法古建官以熙于治國之行  
人實承周制慎簡髦士俾居俾臧朝有命令肅肅用將  
有容有章必敬必飭毋為奇衰毋縱貪墨載馳載驅周  
爰咨諏靡及之懷益咨弗渝克篤念茲不忝于士不忝  
于國有聞于世

奉朝請一

**增**文獻通考曰奉朝請無員本不為官漢東京罷省三公外戚皇室諸侯多奉朝請奉朝請者奉朝會請召而已晉武帝亦以皇室外戚為三都尉而奉朝請焉元帝為晉王以參軍為奉車都尉掾屬為駙馬都尉行參軍

奉朝請

舍人為騎都尉皆奉朝請後罷奉車騎二都尉唯留駙馬都尉奉朝請而已諸尚公主者若劉惔桓温等皆為之宋武帝永初以來以朝請選雜其尚主者唯拜駙馬都尉齊奉朝請駙馬都尉及散騎給事中等官並集書省職朝散用衣冠之餘人數猥積武帝永明中奉朝請至六百餘人隋開皇三年罷奉朝請

奉朝請二

**原**位次三公續漢書曰前漢列侯奉朝請在長安位次三公宜兼三公晉太  
**從容**開豫晉起居注曰武寧  
**與上**臥起漢書曰董賢

氏親屬皆侍中者曹奉朝請寵在丁皆奉朝請又曰  
傅昭帝時子禹及兄孫雲皆中郎將雲弟山奉車都尉  
侍中光祿兩女婿為東宮衛尉昆弟諸婿外孫皆奉朝  
請為諸曹大夫騎都尉給事獨奉朝請漢官解詁曰  
中黨戚連體根據於朝廷獨奉朝請三輔職如郡  
守獨奉朝請成帝時張禹避位特進奉朝請又關內  
侯蕭望之司馬嘉皆奉朝請光武時司徒魏駟孫資  
特進奉朝請與太子遊處越晉書晉武帝詔曰隴西王世子  
朝請與太子遊處春曰朝秋曰請朝請漢律諸侯春朝天子  
遊處也增削景隆官絕朝請王世貞史料明李天忠  
曰朝請增削景隆官絕朝請王世貞史料明李天忠  
理寺論劾曹國公景隆請歸私第解王驥任奉朝請  
隆勳階官號絕朝請勅歸私第解王驥任奉朝請  
又明王驥傳云景帝初召為總督南京機務南京素習  
大司馬謙勿重也因事解其任  
奉朝請上雖罷驥而內猶嚴之

尚監類子卷一百六

奉朝請

駙馬都尉

**原**杜氏通典曰駙馬都尉漢武帝元鼎二年初置秩比

二千石掌駙馬駙馬非正駕車皆為副馬晉以駙馬都尉奉朝請諸

尚公主者若劉惔桓温等皆為之宋武帝永初以來以

朝請選雜其尚公主唯拜駙馬都尉梁駙馬皆武冠絳

朝服銀章青綬梁陳駙馬皆尚公主者為之陳武帝長女永世公

主先適陳留太守錢藏生子昭主及岳並卒武帝受禪

唯公主追封將葬尚書主客牒詳議欲加藏駙馬都尉

并贈岳官素樞議曰昔王姬下降必適諸侯同姓為主

聞於公羊之說車服不繫著於詩人之篇漢氏之初列

侯尚主自斯以後降嬪素族駙馬都尉置由漢武或以

假諸功臣或以後於戚屬是以魏表駙馬為一號魏晉

以來因為常準蓋明王姬之重庶姓之輕若不其等

級莫可合蚤而酌所以假駙馬之位乃崇於皇女令公

主早薨伉儷已絕既無禮數致疑何須駙馬之授案當

陽侯杜元凱尚晉宣帝第二女高陸宣公主晉武踐祚

而主已亡太始中追贈公主杜君無復駙馬之號梁元

帝女新安穆公主早薨天監初王氏無追拜之事遠近

無勞此授今宜追贈亭侯時以樞議為衷後魏駙馬

都尉亦為尚公主官雖位高卿尹而此職不去北齊與

後魏同隋廢唐駙馬都尉從五品階宜依令式仍借金紫

三年八月敕駙馬都尉從五品階宜依令式仍借金紫

魚袋天寶以前悉儀容美麗者充選初學記曰漢制天子以列侯尚

公主諸侯以國人承翁主崔浩義云尚承皆卑下之名

則令列侯就第奉事之故尚公主諸王女則當國代人

承事之皆不得謁見舅姑通問而已天子尊令諸公代

主婚故曰公主諸王女為鄉亭公主晉已後王女為縣主

設官郡

附錄前卷一百六

駙馬都尉

魏晉之後尚公主皆拜駙馬都尉初駙馬都尉漢武置也掌御馬說文云駙馬字從馬付聲一曰駙近也疾也應劭曰自上安下曰駙都謂總領歷兩漢多宗室及外戚與諸公子孫任之至魏何晏大將軍何進孫以主壻拜駙馬都尉其後杜預尚晉宣帝女高陸公主拜駙馬都尉王濟尚晉文帝女常山公主拜駙馬都尉後代因魏晉以為恒每尚公主則拜駙馬都尉出漢書及齊職儀又晉書傳宣尚晉武帝女弘農公主恒尚元帝女南康公主劉惔尚晉明帝女廬陵公主皆拜駙馬都尉增唐官品志曰駙馬奉車騎三都尉並無員駙馬以加尚公主者無班秩續文獻通考曰遼北面有駙馬都尉府掌公主宅帳之事官曰駙馬都尉金駙

馬都尉正四品元尚公主者皆稱駙馬都尉封王爵明駙馬都尉位次於侯凡尚公主長公主大長公主並稱駙馬都尉尚郡主縣主郡君縣君鄉君並稱儀賓食祿有差皆不得預政事國初駙馬或典兵鎮守李堅副總兵封樂城侯自後多署宗人府事

駙馬都尉二

增漢書曰金日磾為侍中駙馬都尉既親近未嘗有過失上甚信愛之賞賜累千金日磾兩子賞建俱侍中與昭帝略同年共臥起賞為奉車建駙馬晉書曰武帝為晉陵公主求壻謂王珣曰主壻但如劉真長王子敬

設官部

駙馬都尉

駙馬都尉

駙馬都尉

便足珣曰謝混雖不及真長不減子敬帝曰如此便足  
魏書曰萬安國父振尚高陽公主拜駙馬都尉安國  
少明敏有姿貌以國甥復尚河南公主拜駙馬都尉顯  
祖特親寵之與同臥起 唐書曰文宗儉素駙馬都尉  
韋處仁入見帶來羅巾以進上謂曰本慕卿門戶清素  
故俯從選尚如此巾服從諸他戚為之卿不須為也  
宋史曰陳國大長公主嫁魏仁溥子咸信太祖居潛昭  
憲太后常至仁溥第咸信方幼侍母側儼如成人大奇  
愛之欲結姻好開寶中因成太后之意選授右衛將軍  
駙馬都尉 又曰張敦禮尚韓國大長公主授駙馬都

尉遷密州觀察使元祐初上言變法附會之害章惇以  
為詆毀先烈譽司馬光勒止朝參 又曰吳國長公主  
出降潘正夫建炎初避地至婺州見高宗奏祖宗以來  
駙馬皆除使相今正夫歷事四朝在汴京曾建議迎陛  
下乞除開府不許 續文獻通考曰明嘉靖初崔元以  
迎駕封京山侯二年憲宗妹永福長公主歸蔡震禮部  
上儀狀謂駙馬當四拜公主坐受其二科臣安磐言孝  
惠太后几筵未徹不宜行婚禮駙馬雖賤而公主坐受  
乖夫婦之禮不聽

駙馬都尉三

名才 貴族 上見後五江數表 曹植 荀氏 列侯 公主 艾 誅

優 天姻 國婚 上見後五江數表 荀氏 列侯 公主 艾 誅

連 帝室 乃遠 遜長 沙監 則十五 擬國 婚之 選羨 不荀

字 子正 與高 祖同 歲幼 侍書 學特 蒙親 待尚 高祖 妹樂

安 公主 拜駙 馬都 尉高 祖寵 誕同 輿而 載同 案而 食同

席 而坐 臥謝 萬駙 馬都 尉劉 真長 謀日 降鶴 賜

弱 冠振 纓結 婚帝 室綢 繆都 尉如 連光 雲日 降鶴 賜

駿 劉向 列仙 傳曰 蕭史 善吹 簫鳳 凰來 止其 屋為 作鳳 鳴

夫 婦止 其上一 吹簫 作鳳 凰飛 去按 弄玉 秦穆 公女 也

後 魏書 曰石 宿石 文成 帝時 拜中 壘將 軍常 從獵 帝親 欲

射 虎石 叩馬 諫引 帝至 高原 上後 虎騰 躍殺 人詔 石為

忠 臣切 諫免 虎之 害賜 馬一 疋尚 上谷 公主 拜駙 馬都

而 與熱 湯餅 大汗 出遂 以朱 衣自 拭色 後至 夏月 喚來

轉 皎然 帝始 信之 下詳 上降 鶴許 色 二主 同家

三 尚異 穴 後漢 書曰 竇融 長子 穆尚 內黃 公主 弟子 固

書 曰劉 根尚 武邑 公主 主竇 氏一 公兩 侯二 公主 又薨

更 尚平 陽長 公主 及和 終與 三公 主同 瑩異 穴

爵 為諸 侯 選預 副車 後漢 書天 子姊 婿爵 為諸 侯言

馬 李璋 制曰 聰慧 可愛 風流 不墜 蜀志 曰諸 葛瞻

選 預副 車 出武 功與 兄瑾 書曰 瞻已 今年 八歲 聰慧 可愛 嫌其 早

成 恐不 為重 器耳 十七 尚公 主拜 駙馬 都尉 為丹 陽丞 時袁

江 敷尚 孝武 女臨 海公 主拜 駙馬 都尉 數與 宴賞 連日

夜 粲為 尹見 敷歎 曰風 流不 墜正 在江 郎數 與宴 賞連 日

美 金章 李白 集贈 獨孤 駙馬 詩曰 都尉 朝天 躍銀 榜歸 都

香 風吹 入花 亂飛 銀鞍 紫鞵 照雲 日左 顧右 盼生 光輝

才 子賦 詩 考官 倡第 與錢 苑新 書曰 唐李 端大 曆中

十 才子 時郭 曖尚 代宗 女昇 平公 主賢 明善 詩文 端等

相監前為卷一百六

駙馬都尉

三

慶初五年及第詔議選尚丁大欲用新進士為駙馬  
 因命考官實周震炎第一偁為太平狀元之說以媚帝  
 震炎年幾三十不悅事遂寢善射曉音能詩善畫又  
 王承衍字希甫尚太相女魏國大長公主端謹善騎射  
 曉音律頗涉藝學署父牙職補內殿都知授右衛將軍  
 駙馬都尉又曰王誥字晉卿尚魏國大長公主授  
 長公主能詩善畫授左衛將軍尚魏國大長公主授  
 率眾赴敵又曰吳元辰尚鄆州觀察使秋霖河溢城壘  
 將壞元辰躬涉泥滓督工補塞以舟楫濟民所部獲安  
 明獻徵錄曰石璟尚順德長公主正統十四年督官  
 軍隨駕北征天順五年曹欽謀逆璟  
 率眾赴敵擒賊脫脫尚和政公主從元宗至蜀遷駙馬  
 讓居守唐書曰柳潭尚和政公主從元宗至蜀遷駙馬  
 李折衝張義童等殊死關于斬賊五斗級平之明獻  
 徵錄曰李讓燕邸儀賓靖難兵起率府兵執謝貴等取  
 大寧戰白溝河有功掌北平布政司  
 事永樂元年進駙馬都尉封富陽侯

駙馬都尉四

**增**世家子唐職林曰文宗開成初欲以真源臨真二公  
 上閱我家天子顧不及崔盧大臣子岐陽公新書曰  
 邪詔宗正卿取世家子以聞原楊喬閉口書曰後漢  
 憲宗愛女舊制多選戚里將原楊喬閉口書曰後漢  
 家帝始詔李吉甫擇大臣子原楊喬閉口書曰後漢  
 為尚書容義偉麗數上書言政事桓帝愛其才貌宋  
 詔妻以公主喬固讓不聽遂閉口不食七日而死魏  
 弘不諾宋弘主事一門三主道今姓氏錄曰後魏盧  
 尚魏室公主一門四主道今姓氏錄曰後魏盧  
 三尚主一門四主道今姓氏錄曰後魏盧  
 門四尚主又曰穆觀子昭瓘堂姪唐薛瓘  
 四世尚主又曰穆觀子昭瓘堂姪唐薛瓘  
 凡十二人尚主一門風神警拔齊書曰王暕年數歲風神  
 作宰相賓客盈門見暕曰公才公望復風望端雅後  
 在此矣選尚淮南長公注拜駙馬都尉  
 設官部崇監頁函卷一百六駙馬都尉

書曰陸昕之風望端雅尚獻  
文以常山公主拜駙馬都尉  
輝以蔭授府軍前衛千戶直  
之奇其貌選尚寶慶長公主  
觀兩宮尉又曰林岳選尚憲  
兩宮賜尉賜命及玉帶蟒衣  
賚優厚勅免常朝又曰李貞  
貞賜第內城西偏加駙馬都  
柱國曹國公勅免常朝贊拜  
十一國尚寧國公勅免常朝  
嘗受密命輔建文君靖難兵  
賜玉帶金鞍四年名見賜襲  
衛將軍駙馬賜玉帶繡衣弟  
賜金喜馬洪武二十二年選  
貌又曰駙馬都尉景美姿  
重慶主憲皇曰女兄寵愛亡  
與比賜金珠玉帛山

積而景持儒行篤好文史  
曰從翰林名公請業受益  
樊凱美鬚髯又曰駙馬都  
役至縣令見其狀貌驚令學  
初選尚廣德公主命統禁兵  
卿莫不折節而凱獨不屈

駙馬都尉五

增詩唐王維和楊駙馬六郎秋夜即事詩曰高樓月似  
霜秋夜鬱金堂對坐彈盧女同看舞鳳凰少兒多送酒  
小玉更焚香結束平陽騎明朝入建章 錢起過楊駙  
馬亭子詩曰衣冠在漢庭臺榭接天成彩鳳翻簫曲祥  
輿入館名歌鐘芳月曙林嶂碧雲生亂水歸潭淨高花  
映竹明退朝追宴樂開閣醉簪纓長袖留嘉客栖鳥下

設官部

尚監頁為卷一百六

駙馬都尉



禁城 韓翃宴楊駙馬山池詩曰垂楊拂岸草茸茸繡  
戶簾前花影重鱸下玉盤銀縷細酒開金甕綠醅濃中  
朝駙馬何平叔南國詞人陸士龍落日泛舟同醉處回  
潭百丈映千峰 王建贈崔禮駙馬詩曰鳳凰樓閣連  
宮樹天子崔郎自愛貧金埒減添栽藥地玉鞭平與賣  
書人家中絃管聽常少分外詩篇看即新一月一迴陪  
內宴馬蹄猶厭踏香塵 劉禹錫劉駙馬水亭避暑詩  
曰千竿竹翠數蓮紅水閣虛涼玉簟空琥珀瑤紅疑瀉  
酒水晶簾密更通風賜冰滿盃沈朱實法饌盈盤覆碧  
籠盡日逍遙避煩暑再三珍重主人翁 楊巨源酬于

駙馬詩曰綺陌塵香曙色分碧山如畫又逢君蛟藏秋  
月一片水驥鑠晴空千尺雲戚里舊知何駙馬詩家今  
得鮑參軍陽和本是烟霄曲願向花間次第聞 張瓊  
宴駙馬宅詩曰牙香禁樂鎮相攜日日君恩降紫泥紅  
藥院深人半醉綠楊門掩馬頻嘶座中古物多仙意壁  
上新詩有御題別向庭蕪寘吟石不教宮妓踏成蹊  
李端贈郭駙馬詩曰青春都尉最風流二十功成便拜  
侯金距鬪雞趨上苑玉鞭騎馬出長秋焚香荀令偏憐  
少傅粉何郎不解愁日暮吹簫楊柳陌路人遙指鳳凰  
樓

制唐中宗賜駙馬封制曰門下特進行右散騎常侍駙馬都尉觀國公楊慎分榮戚里藉寵公門恭肅著於立身恪勤効於從政鳳凰臺上宛符琴瑟之歡烏鵲橋前載叶松蘿之契宜覃茅土式廣山河增白居易授駙馬鄭何右衛將軍制曰周設七萃漢列八屯皆以拱衛王宮肅嚴徽道統茲騎吏其屬親賢具官鄭何擢秀士林挺質公器以貞和陶其性以禮樂文其身善積德門慶連戚里况久踐名職累著聲猷念舊獎能宜加榮寵環列之尹不易其人俾宣力於爪牙不失親於肺腑誥明洪武四年駙馬都尉黃琛誥曰鎮國上將軍駙

馬都尉兼淮安衛指揮使黃琛征伐戍守勤勞有年今天下已定宜共享承平命爾仍居前職尚益加慎恭勉其心力明紀律而嚴訓練撫軍士而安庶民永保祿位延及後人

原表宋虞通之為江數讓尚公主表曰伏承詔旨當以臨海公主降嬪榮出望表恩加典外顧審輜蔽伏用憂惶臣寒門悴族人凡質陋閭閻有對本隔天姻如臣素流家貧業寡年近將冠皆已有室荆釵布裙足得成禮自晉氏以來配尚王姬者雖屢經華胄亟有名才至如王敦懾氣桓溫斂威真長佯愚以固辭子敬炙足以求

免王偃無仲都之質而裸露於北階何瑀闕龍工之姿  
而見投於深井謝莊迨自同於朦僂殷仲幾不免於強  
鉏制勒甚於僕隸防閑過於婢妾往來出入人理之常  
留待賓客朋從之義而令掃轍息駕無窺門之期廢筵  
抽席絕接對之禮非惟交友離異仍乃兄弟踈濶姆孀  
爭媚相勸以嚴婢媪競前相諂以急其間又有應答問  
訊卜筮師母乃至殘餘飲食詰辨與誰衣被故敝必責  
頭領或進不護前或入不聽出不入則嫌於欲踈求出  
則疑有別意召必以三晡為期遣必以日出為限夕不  
見晚魄朝不識曙星至於夜步月而弄琴晝拱袂而披

卷一生之內與此長乖又聲影才聞則少婢奔迸裾袂  
向席則醜老叢來左右整刷以疑寵見嫌賓客未冠以  
少容致斥如臣門分代荷殊榮足定家聲便預提拂青  
宮美官或由才升一切婚戚咸成恩假是以仰冒非宜  
披露丹質非惟上陳一已規全身願寔乃廣申諸門受  
患之切伏願大慈照察特賜蠲停若恩制頓降被請不  
申便當刊膚翦髮投山竄海云云

奉車都尉

騎都尉附

杜氏通典曰奉車駙馬騎三都尉並漢武帝元鼎二  
年初置皆秩比二千石

李陵為騎都尉至更始時  
官亂謚曰爛羊胃騎都尉舊無

員或以官常侍或卿尹校尉左遷為之奉車掌御乘輿  
車漢官曰騎都尉本監羽林騎漢官十人漢書百官表  
後漢並屬光祿勳晉武帝亦以皇室外戚為都尉而奉  
朝請焉元帝為晉王以參軍為奉車都尉掾屬為駙馬  
都尉行參軍舍人為騎都尉皆奉朝請後罷奉車騎二  
都尉梁三都尉並無員秩皆武冠絳朝服銀章青綬奉  
車二十人騎都尉六十人煬帝時奉車駙馬並廢唐奉  
車都尉五員掌馭副車不常置若大備陳設則以餘官  
攝行屬左右衛也 **增**宋遼金元明並無  
諸都尉一

**原**御法駕 侍幃幄 漢舊儀曰漢車與法駕奉車都尉  
衛都尉孫奇年十七以秀才入侍幃幄余作詩篇諷云  
恂恂公子美色無比誕姿既豐世胄有紀平南之孫奮  
威之 **掌池苑** 主舟船 漢書百官公卿表曰水衡都  
子苑應劭注曰古山林之官曰水衡掌諸池苑故稱水衡  
林苑 張晏曰王都水及上林苑故曰水衡掌諸池苑故曰水衡  
卒徒武事故曰尉掌上林苑故曰水衡掌諸池苑故曰水衡  
魏略曰水衡都尉舊注上苑以主天下水軍舟船器械  
**汲黯無為** 楊僕嚴酷 史記曰汲黯為東海太守歲  
治務在無為而已弘人體不拘文法上聞名為主爵都尉  
陽人也以千夫為吏河南守案舉以為能薦為御史使  
督盜賊關東治放尹齊以為敢擊行稍遷至主爵都尉  
列九卿天子以為能南粵反拜為樓船將軍有功封將  
梁侯 **張緝籌略** 譙周好古 魏略曰張緝字敬仲上便  
略遂拜騎都尉也 晉武帝詔曰騎都尉譙周篤志好  
古服膺儒義擢授近侍命位未加不幸殞喪朕甚悼之  
設官部 崇監頌卷一百六 諸都尉

賜朝服一具衣一襲錢十五萬喪

葬所給比從散騎常侍之制也

增韓信治粟周

郤領兵當斬信乃仰視滕公曰漢上不得知名為連敖坐法

壯士滕公奇壯之與語入言於漢王以騎都尉領兵討曹仁

冊府元龜曰周郤者泰之子也以騎都尉領兵討曹仁

出濡須戰有功又從降更始將破樊城圍

破曹休進位裨將軍又曰朱異為騎都尉隨朱然攻

中騎都尉又封成安侯將突騎與祭遵擊更始將左防

幸顏於沮陽悉降之

魏樊城建計破其服其恩信問以策謀又曰賈固

初為奉車都尉屯涼州在邊數年羗人服其恩信愛之

如父母又曰弓里戎光武時為騎都尉將兵平定北

州到太原歷訪英俊大人問以策謀為侍御史聞鼓而

縱應弦而倒又曰李陵為騎都尉至浚稽山單于圍

出營外為陳前行持戟盾後行弓弩令曰聞鼓聲而縱

聞金聲而止又曰李陵為騎都尉將步卒五千至浚

稽山與單于相直騎可三萬圍陵軍敵見漢軍少直前

就營擊殺趙咨使魏李豐在鄴吳志曰孫權遣魏

軍追擊殺趙咨使魏李豐在鄴吳志曰孫權遣魏

帝問其狀咨曰魯肅於凡器是聰明也拔呂蒙於行

陣是其智也據三州而虎視天下是其仁也取荆州兵不血

刃是其略也魏志曰李豐字安國年十七在鄴下名

為清白識別人物明帝時得吳降人問江東聞中國名

士為誰降人云聞有李安國者是時豐為黃

門郎上曰豐名乃播於吳越耶拜騎都尉黃

學駱統惠理太平御覽曰舉軌明帝在東宮時軌在

十試為烏駱統字公緒孫權以將軍領會稽太守統年二

曹行騎顧承令問元遜知名又曰顧承字子直嘉

禮徵權賜丞相雍書曰貴孫子直令聞休休至與相見

過於所聞為君嘉之拜騎都尉又曰諸葛恪字元遜

謹長子也少知名  
弱冠拜騎都尉  
為更始屬國都尉  
萬會高平第一帝引見  
京師融詣維陽城門上  
印綬遣使者還侯印綬  
京師又曰華皎為文帝  
配以人馬甲仗猶為都  
深入凌統先搏之風使  
里過居延視地形不見  
行破賊都尉從大帝征  
祖將張碩盡護船人還  
時呂蒙敗其水軍而統  
承烈皆壯其言為設虛  
都尉憂之引見張昭及  
太妃憂之引見張昭及  
東有山川之固討逆恩  
昭乘眾事策等為爪牙  
虞翻為騎都尉大帝與  
仍配甲仗册府元龜  
融率五郡太守步騎數  
蜀平詔融奏事  
國都尉安豐侯  
賜恩寵傾動  
帝平杜龕仍  
善於撫養  
帝以爲陵有廣  
武入匈奴二千  
孫武入匈奴二  
騎深入匈奴二  
百騎深入匈奴  
廣武入匈奴二  
騎深入匈奴二

禁還歸北翻諫曰禁身為降  
三軍大帝不聽群臣送禁翻謂禁曰  
謀適不川耳禁雖為翻所惡然猶  
盛歎翻魏文帝常為翻設虛座  
典韋常繞帳居楚何官平曰為都尉  
尉使為驂乘典護諸將盡謹曰大王  
未知高下而即與共載反使監護  
幸平魏志曰典韋拜都尉引置左  
常繞大帳性忠至謹重常畫立侍  
歸私霍光問充國曹洪委曹休  
尉漢得匈奴降者言烏桓嘗發先  
二萬騎擊烏桓大將軍霍光欲擊  
謂烏桓數犯塞今匈奴擊之於漢  
發兵邀之招寇生事非計也又曰  
衛劉備遣將軍吳蘭屯下辨太祖  
都尉參軍事太祖謂休曰汝雖參  
此令乃委孫桓能論議皇甫收圖籍  
設官部  
諸都尉

端正博學強記能論議應對權常稱為宗室顏淵擢為  
武備都尉冊府元龜曰前燕皇甫貞為奉車都尉後  
入為典書令從慕容評攻拔鄴都珍  
貨充溢貞一無所取唯收圖籍而已  
**原延年善變新**  
聲韓暨器用充實漢書曰李延年善歌為變新聲是  
等作詩頌延年輒承意絃歌所興天地諸祠令司馬相如  
協律都尉佩二千石印綬而與上卧起魏志曰韓暨  
為監治調者在職七年器用充實制  
書褒歎就加司金都尉班亞九卿

諸都尉二

**增**呂布督力冊府元龜曰呂布初為騎都尉朱績膽  
力又曰朱績為建忠都尉隨太常潘欲捶黃門魏曰

沛初仕漢為義都尉馬超反大軍西討沛隨軍都督  
孟津渡時太祖已南過中黃門前渡忘持行軒私北還  
取之從吏求小船獨先渡吏呵不肯黃門與吏爭言  
沛問黃門有疏耶黃門云無疏沛怒曰何知汝不欲逃

耶遂使人捽其頭欲捶之得逸去衣幘皆裂訴  
於太祖曰汝不死為幸矣魏將于禁為關羽所獲

于禁又曰吳虞翻為騎都尉時魏將于禁為關羽所獲欲鞭

翻又曰吳虞翻為騎都尉時魏將于禁為關羽所獲欲鞭

馬又曰吳虞翻為騎都尉時魏將于禁為關羽所獲欲鞭

武又曰吳虞翻為騎都尉時魏將于禁為關羽所獲欲鞭

各又曰吳虞翻為騎都尉時魏將于禁為關羽所獲欲鞭

輒又曰吳虞翻為騎都尉時魏將于禁為關羽所獲欲鞭

克又曰吳虞翻為騎都尉時魏將于禁為關羽所獲欲鞭

策又曰吳虞翻為騎都尉時魏將于禁為關羽所獲欲鞭

賊又曰吳虞翻為騎都尉時魏將于禁為關羽所獲欲鞭

朱又曰吳虞翻為騎都尉時魏將于禁為關羽所獲欲鞭

傳又曰吳虞翻為騎都尉時魏將于禁為關羽所獲欲鞭

陸又曰吳虞翻為騎都尉時魏將于禁為關羽所獲欲鞭

不又曰吳虞翻為騎都尉時魏將于禁為關羽所獲欲鞭

謝又曰吳虞翻為騎都尉時魏將于禁為關羽所獲欲鞭

謝又曰吳虞翻為騎都尉時魏將于禁為關羽所獲欲鞭

諸都尉

諸都尉

諸都尉

詩唐高適別耿都尉詩曰四十能學劍時人無此心  
如何耿夫子感激投知音翩翩白馬來二月青草深別  
易小千里興酣輕百金 岑參送張都尉東歸詩曰白  
羽綠弓弦年年只在邊還家劍鋒盡出塞馬蹄穿逐鹵  
西踰海平湖北到天封侯應不遠燕領豈徒然

都護一

原杜氏通典曰漢宣帝地節二年初置西域都護為加  
官也或以騎都尉諫議大夫使護西域三十六國有副  
校尉始以鄭吉為之後廢至後漢永平十七年復置  
為西域都護大破焉耆尉犁斬其王  
自是西域降服納質者五十餘國 晉宋以後有都護

之官亦其任也

齊書曰廣州西南有二江川源深遠別  
置都護專征討之陳伯超為江西都護

沈顛為南  
粵都護

唐永徽中始於邊方置安東安西安南安北

四大都護府後又加單于北庭都護府

麟德元年改雲  
中都護為單于

都府置都護一人

掌所統諸蕃慰撫征討  
及諸賞罰叙錄勳功總判府事

副都護二人

掌貳都護事其安  
北單于則置一人

長史司馬各一人  
錄事功曹

倉曹戶曹兵曹法曹參軍各一人參軍事三人其  
安北單于惟有司馬倉曹兵曹各一人餘並不置

續文獻通考曰遼金皆不設 元世祖至元十七年置

鎮北庭都護府于畏吾境大都護四員同知副都護各

二員至元十一年初置畏吾兒斷事官十七年改領北

庭都護府秩二品置官十二員二十二年復為大都護

設官部

引證類函卷一百六

都護

早



品秩如舊 明不設惟世宗幸承天以郭勳為都護大將軍

都護二

**原立莫府** 典重職 漢書曰鄭吉以侍郎發諸國兵攻

域而立莫府治烏壘城鎮撫諸羣 又曰段會宗遷都

護為人好大節矜功名與谷永相友善谷永潤其老復

遠出予書戒曰足下以柔遠之令德復典都護之重職

甚休甚休願吾子因 斬郅支 攻康居 又曰甘延壽

循舊貫毋求奇功也 遷西域副校尉建昭三年與都護甘延壽出西域郅支

單于困辱漢使湯與延壽謀攻康居城陷斬單于首得

漢節封延壽義成侯賜湯爵關內侯各食三百戶功大

封少為石顯 始自鄭吉 請還班超 又曰神爵中匈

匡衡所抑也

吉將詣京師都護之置自吉始焉漢之號令班超妹同郡

自張騫成於鄭吉也 後漢書班超傳曰班超妹同郡

曹壽妻昭上書請超曰妾同產兄西域都護定遠侯超

以一身轉側絕域曉譬諸國因其兵眾每有攻戰輒為

先登身被矢石不避死亡賴蒙陛下神靈且得延命沙

漠至今積三十年今且七十衰老被病如有卒暴超之

氣力不能從心便為上損國家累世之功下棄 假

忠臣竭力之用誠可痛也帝感其言乃徵超還 假

**作答書** 圖上形勢 都護鎮州時魏江夏太守遂式

頗作邊害而與北舊將文聘子休不協遜假作答式書

云得報知與休久結嫌隙勢不兩存欲來歸附宜潛速

嚴更示定期以書置界上式兵得書以見式式惶懼遂

自送妻子還雒由是吏士不復親附遂以見式式惶懼遂

於江西北岸圖其形勢上言請移城 西域慕義 高麗

慕化 又曰裴行儉為安西大都護西域諸國多慕義歸

任使高麗人眾莫不欣然慕化 救援于闐 請擊

焉者又曰高賢為安西都護行軍總管高宗龍朔中率  
王與西突厥通親進貢希至孝恪請擊之太宗以孝恪  
為西州道行軍總管擄其王苗龍突騎支而還太宗嘉  
其遠立殊功遣使  
優勞加勳十一轉

### 都護三

**所向皆靡**冊府元龜曰賈復為都護將軍從光武擊

武傳召復曰吏士皆飢可且朝飯復曰先破賊然後食

爾於是被羽先登所向皆靡賊乃敗走諸將咸服其勇

一無所犯又曰元英為安南將軍領護西戎校尉孝

軍一節所紀遠築城江州又曰李嚴為都護建興四

近皆供租運築城碎葉又曰唐王方翼為安西都護裴行儉討

伏出沒之狀西域人競來觀因獻方物高駢復交

州又曰高駢為安南都護收復交韓約收峯州又曰  
州盡平蠻賊積歲所侵故地韓約  
為安南都護文宗時峯州刺史王升  
朝背叛約發兵二千人討逐收峯州

### 淵鑑類函卷一百六



